

卷三十三

雜證謨

疝氣

脫肛

卷三十四

雜證謨

癩狂癡瘖癰閉

秘結

詐病

卷三十五

雜證謨

諸蟲

諸毒

附虫毒

景岳全書

景岳全書總目

目序

共計二十四集

六十四卷

每集俱列字號

入集

一卷

傳忠錄上

二卷

傳忠錄 中

道集

三卷

傳忠錄 下

四卷

脉神章 上 有目二張

五卷

脉神章 中

六卷

脉神章 下

須集

七卷

傷寒典 上 有目二張

八卷

傷寒典 下

從集

九卷

雜證謨

目錄

十卷

雜證謨

諸風

十一卷

雜證謨

非風

厥逆

傷風

十二卷

雜證謨

風痺

汗證

瘧證

性集

十三卷

雜證謨

瘟疫

十四卷

雜證謨

瘧疾

瘴氣

十五卷

雜證謨

寒熱

暑證

火證

理集

十六卷

雜證謨

虛損

勞倦內傷

關格

十七卷

雜證謨

飲食

脾胃

眩暈

十八卷

雜證謨

怔忡

不寐

三消

明集

十九卷

雜證謨

欬嗽

喘促

呃逆

鬱證

二十卷

雜證謨



嘔吐

霍亂

惡心

二十一卷

雜證謨

吞酸

反胃

噎膈

餽雜

心集

二十二卷

雜證謨

腫脹

二十三卷

雜證謨

積聚

痞滿

二十四卷

雜證謨

泄瀉

痢疾

二十五卷

雜證謨

心腹痛

脇痛

腰痛

必集

二十六卷

雜證謨

頭痛

面病

口舌

二十七卷

雜證謨

眼目

耳證

鼻病

二十八卷

雜證謨

聲音

咽喉

齒牙

二十九卷

雜證謨

遺精

淋濁

遺溺

貫集

三十卷

雜證謨

血證

三十一卷

雜證謨

痰飲

濕證

黃疸

三十二卷

雜證謨

脚氣

痿證

陽痿

三十三卷

雜證謨

疝氣

脫肛

天集

三十四卷

雜證謨

癲狂痴𦏧

癰閉

秘結

詐病

癘風

三十五卷

雜證謨

諸蟲

諸毒 附蟲毒

三十六卷

雜證謨

諸氣

三十七卷

雜證謨

死生

人集

三十八卷

婦人規

上

有目四張

三十九卷

婦人規

下

謨集

四十卷

小兒則 上 有目二張

四十一卷

小兒則 下

四十二卷

痘疹詮

麻疹 全 有目一張

烈集

四十三卷



痘疹詮

痘瘡

上

有目三張

四十四卷

痘疹詮

痘瘡

中

四十五卷

痘疹詮

痘瘡

下

聖集

四十六卷

外科鈴 上 有目三張

賢集

四十七卷

外科鈴 下

大集

四十八卷

本草正 上 有目六張

四十九卷

本草正 下

德集

五十卷

新方八略 有目七張

五十一卷

新方八陣 全

圖集

五十二卷

古方八陣

目錄 總列以下共十三卷

五十三卷

古方補陣

書集

五十四卷

古方和陣

字集

五十五卷

古方攻陣

五十六卷

散陣

五十七卷

寒陣

宙集

五十八卷

熱陣

五十九卷

固陣

六十卷

困陣

長集

六十一卷

婦人

六十二卷

小兒

六十三卷

痘疹

春集

六十四卷

外科

景岳全書總目終

景岳全書卷之三十三雜證謨

會稽 張介賓 會卿著

會稽 魯超 謙庵訂

# 疝氣

經義

骨空論曰任脉為病男子內結七疝女子帶下瘕聚○督脉生

疝從少腹上衝心而痛不得前後為衝疝

長刺節論曰病在少腹腹痛不得大小便病名曰疝得之寒刺

少腹兩股間刺腰髀骨間刺而多之盡是病已

經脈篇曰足厥陰肝病丈夫癘疝婦人小腹腫○肝所生病爲  
癘泄狐疝○足厥陰之別循脛上臍結於莖其氣逆則臍腫  
卒疝實則挺長虛則暴癢取之所別也

繆刺論曰邪客於足厥陰之絡令人卒疝暴痛刺足大指爪甲  
上與肉交者各一疔左取右右取左

脈解篇曰厥陰所謂癘疝婦人少腹腫也○陰亦盛而脈脹不  
通故曰癘癘疝也

陰陽別論曰三陽爲病發寒熱其傳爲癘疝

經筋篇曰足陽明之筋病癢痠腹筋急○足太陰之筋病陰器  
紐痛下引臍兩脇痛○足厥陰之筋病陰器不用傷於內則  
不起傷於寒則陰縮入傷於熱則縱挺不收

邪氣臟腑病形篇曰小腸病者小腹痛腰脊控舉而痛時窘之  
後

四時氣篇曰小腹控舉引腰脊上衝心邪在小腸者連舉系屬  
于脊貫肝肺絡心系氣盛則厥逆上衝腸胃燻肝散于膏結  
于臍

玉機真藏論曰是故風者百病之長也弗治脾傳之腎病名曰



一 疝瘕少腹寃熱而痛出白一名曰蠱

本藏篇曰腎下則腰尻痛不可以俛仰為狐疝

平人氣象論曰寸口脉沉而弱曰寒熱及疝瘕少腹痛○脉急  
曰疝瘕少腹痛

脉要精微論曰診得心脉而急病名心疝少腹當有形也

邪氣臟腑病形篇曰心脉微滑為心疝引臍小腹鳴○肝脉滑  
甚為癘疝○脾脉微大為疝氣滑甚為癘癘瀉甚為腸癘微  
瀉為內癘多下膿血○腎脉滑甚為癘癘

大奇論曰腎脉大急沉肝脉大急沉皆為疝○心脉搏滑急為

心疝○肺脉沉搏爲肺疝○三陽急爲瘕三陰急爲疝

五臟生成論曰青脉之至也長而左右彈有積氣在心下支胘  
名曰肝痺得之寒與疝同法○黃脉之至也大而虛有積氣  
在腹中有厥氣名曰厥疝女子同法

四時刺逆從論曰厥陰滑則病狐疝風○少陰滑則病肺風疝  
○太陰滑則病脾風疝○陽明滑則病心風疝○太陽滑則  
病腎風疝○少陽滑則病肝風疝

至真要大論曰陽明司天丈夫癩疝婦人少腹腫○陽明之勝  
外發癩疝○太陽在泉民病少腹控臑引腰脊上衝心痛○

太陽之復少腹控臍引腰脊上衝心○大陰在臍主勝甚則  
爲疝

論證 共三條

疝氣病者凡小腹臍丸爲腫爲痛止作無時者皆是也但疝證  
不一如內經所謂狐疝者以其出入不常也有言癰疝者以  
其頑腫不仁也有衝疝者以其自少腹上腫而痛也有厥疝  
者以結氣在陰而氣逆爲疝也有疝瘕者以少腹冤熱而痛  
出白一名曰蠱也有六經風疝者如四時刺逆從論所言者  
是也有小腸疝者如邪氣臟腑病形篇所言者是也凡此七

者總皆疝之爲義然疝之爲病不獨男子有之而婦人亦有之經曰有積氣在腹中有厥氣名曰厥疝女子同法又曰厥陰所謂癩疝婦人少腹腫也至若衝疝瘕之屬亦皆男婦之所同病者然惟辜丸之病獨在男子而他則均當詳察也觀張子和曰夫遺溺閉癰陰痿痺精滑白淫皆男子之病也若血涸不月月罷腰膝上熱足蹙嗑乾癰閉少腹有塊或定或移前陰突出後陰痔核皆女子之病也但女子不謂七疝而謂之瘕若年少而得之不計男子婦人皆無子此說誠非謬也然今人但言男子之疝而全不知婦人之疝殊失之矣

一疝氣所屬本非一經如內經所云在脉爲病男子內結七疝  
女子帶下瘦聚督脉生病從少腹上衝心而痛不得前後爲  
衝疝又曰脾傳之腎病名曰疝痕又曰三陽爲病發寒熱其  
傳爲癰疝又曰邪在小腸者連臍係屬於脊又曰邪客於足  
厥陰之絡令人卒疝暴痛又如心肝脾肺腎五疝之脉各有  
所辨此素問言諸經之疝也又經筋等篇言足陽明之筋病  
癢疝腹筋急足太陰之筋病陰器紐痛下引臍兩脇痛足厥  
陰之筋病陰器不用等義此靈樞言諸經之疝也自張子和  
云疝有七前人論者甚多其非靈樞素問銅人之言予皆不

取乃引靈樞之論曰足厥陰之筋聚於陰器故陽明與太陰之筋皆會於陰器惟厥陰主筋故爲疝者必本之厥陰此子和之意以疝爲筋病而筋主於肝故謂疝必厥陰似亦有理而實則不然觀內經諸論之如前者謂非靈素之言而子和皆可不取乎且筋雖主於厥陰然散見諸經卽爲諸經之筋矣若病在諸經固可因筋而廢經乎矧如厥論曰前陰者宗筋之所聚太陰陽明之合也又痿論曰陰陽總宗筋之會會於氣街而陽明爲之長此亦可以不取乎然則小腹前陰之經則厥陰少陰太陰陽明少陽太陽以至衝任督脉皆有所

涉今考銅人經治疝之法則諸經皆有俞穴若謂此屬厥陰則諸皆可廢矣卽子和亦歷指諸經之穴謂諸穴雖亦治疝然終非受疝之地此何說也自後丹溪遂因子和之言謂經有七疝寒水筋血氣狐癩也專主肝經與腎經絕無相干再至戴原禮又因丹溪之說云疝本屬厥陰之一經余嘗見俗說小腸膀胱下部氣者皆妄言也嗚呼此等議論皆後學逞億之見果堪信乎果堪法乎醫失真傳類多如此故非靈素銅人之言余誠不敢取也今錄銅人治疝穴法條列後章以

便後人用證

一疝氣之病有寒證亦有熱證然必因先受寒濕或犯生冷以致邪聚陰分此其肇端之始則未有不因寒濕而致然者及其病鬱既久則鬱而成熱者有之或以陽臟之人火因邪聚而濕熱相資者亦有之故在內經言疝則寒熱皆有所論如曰病在少腹腹痛不得大小便病名曰疝得之寒曰陰亦盛而脉脹不通故曰癰癰疝也曰疝痺得之寒濕與疝同法曰太陽太陰陽明之勝復皆有疝氣是皆言疝之寒也又如曰脾風傳腎名曰疝瘕少腹寬熱而痛出白一名曰蠱曰足厥陰之筋病陰器不用傷於寒則陰縮入傷於熱則縱挺不收



是皆言疝之熱也此內經之言寒言熱未嘗偏廢者如此觀  
丹溪曰自素問而下皆以爲寒蓋寒主收引經絡得寒則引  
而不行所以作痛者然亦有踢水涉水終身不病此者無熱  
在內故也大抵此證始於濕熱在經鬱而至久又得寒氣外  
來不得疎散所以作痛若只作寒論恐未爲備此丹溪之論  
如此故其治多從火而倍用山梔黃柏之屬余則不能無言  
也觀內經之言疝者如前原非只作寒論第言寒者較多於  
熱亦自疝家之正理不可易也矧疝以寒邪入經所以爲痛  
及其久也方爲鬱熱使其始不受寒何由致疝此寒爲本而

熱爲標也若謂始於濕熱在經又得邪氣外來所以作痛則  
反以熱爲本而寒爲標矣豈其然乎至若踢水涉水終身不  
痛者此雖有貴賤之分久暫之異然必以陽氣內實而寒不  
能犯者有之若謂無熱在內故寒自不入又豈其然乎此致  
病之因有不得不辨也是以內經之論凡至切至當者胡可  
弗遵後世之談其多鑿多偏者安庸盡信再若治此之法固  
不可必其爲寒又不可必其爲熱但治初受之邪必當以溫  
經散寒行氣除濕爲主切不可早用寒涼致留邪氣則遺害  
非淺及其久也則有始終以寒者有因寒鬱熱者有元陽受

傷而虛陷日甚者但當察其形氣病氣因病制方若果有熱證熱脈顯然外見者方可治以寒涼如無熱證可據而執云大抵疝出濕熱則無者生之有者甚之矣此習俗之通弊有不可不鑒也

論治 共十一條

凡治疝之法當察所由此雖以受寒受濕因而成疝然或以色慾或以勞損或以鬱怒或以飲食酒濕之後不知戒慎致受寒邪則以陰求陰流結於衝任血氣之海而下歸陰分遂成諸疝故其爲病則有遇寒而發者有鬱久成熟遇熱而發者

有鬱則氣逆遇鬱怒而發者有濕因寒滯遇濕而發者有疲  
極則傷筋遇勞苦而發者有虛邪在少陰厥陰遇色慾而發  
者有飲食之濕在陽明太陰遇酒酪而發者至其久也則正  
氣陷而不舉邪氣留而不去而爲癩爲木難於愈矣故治此  
者必當因其所因辨而治之則無不隨手可愈若茫然混然  
徒執一偏之見而至老不寤者卽與之談終無益也

一治疝必先治氣故病名亦曰疝氣非無謂也蓋寒有寒氣熱  
有熱氣濕有濕氣逆有逆氣氣在陽分則有氣中之氣氣在  
陰分則有血中之氣凡氣實者必須破氣氣虛者必須補氣

故治疝者必於諸證之中俱當兼用氣藥

一疝之暴痛或痛甚者必以氣逆宜先用荔香散○氣實多滯者宜寶鑑川棟散或天台烏藥散○非有實邪而寒勝者宜煖肝煎主之

一寒疝最能作痛多因觸冒寒邪或犯生冷所致凡喜煖畏寒脉弦細鼻尖手足多冷大小便無熱之類皆是也○寒微者宜荔香散煖肝煎腎氣丸神應散丁香棟實丸之類主之○寒甚者宜醫林四神丸百一選方十補丸胡蘆巴丸沉香桂附丸之類主之○一法以五積散加鹽炒吳茱萸小茴香各

一錢薑五片葱白五寸同煎空心熱服大治氣痛不可忍  
一熱疝大能作痛凡火邪聚於陰分而爲痛者必有熱證熱脈  
或大便秘結或小水熱閉不通或爲脹爲滿而煩熱喜冷者  
是也宜大分清飲或茵陳飲加茴香川棟子之類或以加味  
通心飲葵子湯之類主之○又有腎本不虛而肝經濕熱火  
旺莖中作痛筋急縮或痛或痒或腫或挺縱不收白物如精  
隨溺而下者此筋疝也宜龍胆瀉肝湯主之

濕疝多爲重墜脹滿然亦有痛者宜以前寒熱證參而治之  
○有不痛而久墜不愈者是卽癩疝之屬單宜治濕理氣以

加味五苓散或局方守效丸或蒼朮散或三層茴香丸之屬  
主之○一云凡治癩疔非斷房事厚味不能取效

一疔病遇酒而發者多因濕熱當先去其濕濕而熱者大分清  
飲加茴香川棟之屬○濕兼寒者宜加味五苓散主之或以  
葛花解醒湯加減用之

一血結少腹間者是爲血疔但察其非氣非食小腹鞭而有形  
大便秘結而黑小水利者必血積血疔之屬宜桃仁膏或桃  
仁煎或玉燭散之類下之

一疔遇色慾而發者是必陰虛之屬若陰虛兼動相火者宜以

六味地黃湯加黃柏知母山梔茴香川棟之類生之○若陰虛無火或兼寒痛精虛者宜理陰煎或入味地黃湯加茴香枸杞之類或用煖肝煎主之

一痼久者必多虛證或以元氣本虛而偶患者亦有虛證或不耐勞苦而微勞卽發者亦有虛證當以脉證辨之凡治虛痼當察其虛在陰分或在陽分陰虛者輕則煖肝煎入味地黃湯甚則理陰煎補陰益氣煎之類酌而用之○陽虛者宜溫胃飲歸脾湯補中益氣湯之類主之○若陽虛至甚者必用桂附椒薑或以六味回陽飲之類主之○若虛中挾滯者宜



以前法爲主而加以疎導之藥如川棟茴香枳實山查梔子之屬酌其宜而佐用之

一疝有邪實當下者詳後條張子和論中

述古 共八條

巢氏病源曰諸疝者陰氣積於內復爲寒氣所加使營衛不調氣血虛弱故風冷入其腹內而成疝也疝者痛也或小腹痛不得大小便或手足厥冷繞臍痛自汗或冷氣逆上搶心腹令心痛或裏急而腹痛此諸候非一故云諸疝也

許學士云大抵此疾雖因虛得之不可以虛而驟補經云邪之

所奏其氣必虛留而不去其病則實故必先滌所蓄之熱然後補之是以諸方多借巴豆氣者蓋謂此也

劉宗厚云謹按疝證雖始爲因虛而得必邪實迫痛而未下者故當先瀉而後補也至有虛甚迫痛上爲嘔逆或下有遺精者此邪實正虛之甚矣此欲不補可乎但恐補之則無益瀉之則正氣轉陷幸而獲生者鮮矣

陳無擇曰經云七疝諸疝等義更不見名狀但有寒疝癰疝狐疝而已唯大奇論列五臟脉爲五疝者如前大抵血因寒泣則爲瘕氣因寒聚則爲疝但五臟脉理不同不可不辨且腎

脉本沉心脉本滑受寒則急於理乃是肝脉本弦肺脉本濇  
並謂之沉未爲了義又脾不出本脉但云急爲疝亦文義之  
缺也凡云急者緊也緊爲寒亦可類推且賊風入腹亦爲疝  
冒暑履濕皆能爲疝當隨四氣改易急字風則浮弦暑則洪  
數濕則緩細於理始明要知疝雖兼臟氣皆外所因也寒泣  
風散暑鬱濕著絞刺擊搏無有定處倉卒之際痛不堪忍世  
人稱爲橫弦墜弦腸疝小腸氣賊風入腹等名義不同證狀

則一

張子和曰內經曰木鬱則達之達謂吐也令條達其氣也肝之

積本當吐者然觀其病之上下以順爲貴仲景所謂上宜吐  
下宜瀉者此也敢列七疝圖於左以示後之君子庶幾有所  
憑藉者焉

○寒疝其狀囊冷結硬如石陰莖不舉或控舉丸而痛得於  
坐卧濕地或寒月涉水或冒雨雪或坐臥磚石或風冷處使  
內過勞宜以溫劑下之久而無子

○水疝其狀腎囊腫痛陰汗時出或囊腫而狀如水晶或囊  
痒而搔出黃水或少腹中按之作水聲得於飲水醉酒使內  
過勞汗出而遇風寒濕之氣聚於囊中故水多令人爲卒疝

宜以逐水之劑下之有漏鍼去水者人多不得其法

○筋疝其狀陰莖腫脹或潰或膿或痛而裏急筋縮或莖中痛痛極則痒或挺縱不收或白物如精隨溲而下久而得於房室勞傷及邪術所使宜以降心之劑下之

○血疝其狀如黃瓜在少腹兩旁橫骨兩端約中俗云便癰得於重感春夏大燠勞動使內氣血流溢滲入臍囊留而不去結成癰腫少血多宜以和血之劑下之

○氣疝其狀上連腎區下及陰囊或因號哭忿怒則氣鬱之而脹怒哭號罷則氣散者是也有一治法以鍼出氣而愈者

然鍼有得失宜以散氣之藥下之○或小兒亦有此疾俗曰  
偏氣得於父已年老或年少多病陰痿精怯強力入房因而  
有子胎中病也此疝不治惟築賓一穴灸之

○狐疝其狀如瓦臥則入小腹行立則出小腹入囊中狐書  
則出穴而溺夜則入穴而不溺此疝出入上下往來正與狐  
相類也亦與氣疝大同小異今人帶鉤鈐是也宜以逐氣流  
經之藥下之

○癰疝其狀陰囊腫絕如升如斗不痒不痛者是也得之地  
氣卑濕所生故江淮之間湫塘之處多感此疾宜以去濕之

一藥下之○女子陰戶突出雖亦此類乃熱則不禁固也不可  
一便謂虛寒而澁之燥之補之本名曰瘕宜以苦下之以苦堅  
之○王太僕曰陽氣下墜陰氣上爭上爭則寒多下墜則筋  
緩故舉垂縱緩因作癩疝也○已上七疝下去其病之後可  
調則調可補則補各量病勢勿拘俗法經所謂陰盛而腹脹  
不通者癩癧疝也不可不下

劉宗厚曰按子和所論病本經絡之原至爲詳盡但七疝名固  
不同治法當異然俱用攻下之法愚切疑焉雖錢仲陽亦曰  
肝爲相火有瀉無補丹溪有曰肝只是有餘腎只是不足夫

厥陰一經受疝宜通勿塞固宜亦當視其淺深而行之可也  
况有邪氣客於膀胱小腸之經者若干於少陰腎經則宜通  
勿塞之法可例用乎

愚謂子和七疝之治雖各有不同然無非用下則不能無偏故  
劉宗厚徐用誠皆疑而議之亦謂其太過耳非謂盡不可用  
也再觀丹溪之法則曰治疝大不宜下是又相左之甚矣余  
因考子和治按如治蔡叅軍因坐濕地疝痛不堪用導水丸  
下之而愈又治一人因瘧渴過飲漿水病疝醫進薑附爲燥  
熱所壅以致陰囊重墜大如升斗乃先以導水丸後用猪盧



散大下之而愈又治一夫病卒疝赤腫大痛數日不止諸藥  
如石投水遂以導水丸次以通經散大下之而愈若此類者  
豈皆不可下乎故但宜酌其虛實緩急如或爲邪熱所閉或  
以少年暴疾或以腫硬赤痛之極者則如導水丸三花神祐  
丸禹功散之類皆所當用蓋邪盛而急勢不可當有非行氣  
利水等劑所能及者則不得不攻此子和之法亦自有必不  
可廢者是不可不察也

辨疑錄云治疝者每用五苓散內加行氣之藥獲效者多按藥  
性猪苓澤瀉分理陰陽以和心與小腸之氣白朮調脾并利

臍腰間濕及死血茯苓淡利膀胱水桂能伐肝邪茴香善治  
小腸之氣金鈴子橘核去膀胱之氣楫榔下氣少加木通以  
導引小腸之邪屢用屢驗

諸經治痢灸法

足陽明經

氣衝

歸來

水道

陰市

大巨

陷谷

足太陰經

衝門

府舍

陰陵泉

三陰交

足少陰經

一盲俞

四滿

陰谷

築賓治小兒胎病

交信

太谿

照海

然谷

足厥陰經

急脉

曲泉

中都

蠡溝

中封

太衝

行間

大敦

足太陽經

肝俞

次膠

合陽

承山

金門

足少陽經

五樞

肩井

丘墟

督脉

命門 長強

任脉

曲骨

中極

關元

石門

氣海

陰交

一法 於關元兩旁相去各三寸青脉上灸七壯即愈左灸左

右灸右用驗

一法 令病者合口以草橫量兩口角為一摺照此再加二摺

共為三摺屈成三角如△樣將上角安臍中心兩角安臍下

兩旁當下兩角處是穴左患灸右右患灸左左右俱患即兩

灸之艾炷如麥粒灸十四壯或二十一壯卽安

一闌門穴 在陰莖根兩旁各開三寸是穴鍼一寸半灸七壯

治水腎偏墜○按此卽音俞中泉陰穴千金翼云在橫骨旁  
三寸治癩邪偏大灸百壯三報之

一外陵穴 在臍左右各開一寸半灸疝立效永不復屢用

屢驗

一風市穴 在膝上七寸外側兩筋間又取法令正身平立直

垂兩手着腿當中指盡處陷中是穴鍼五分灸七壯千金云

灸百壯重者五六百壯治疝氣外腎腫小腸氣痛腹內虛鳴

此風痺疼痛之要穴

熨治法

嚴氏云用食鹽半斤炒極熱以故帛包熨痛處

一法用泥蒸白一握置臍中上用熨斗熨之或土置艾灼之妙

或以葱白為一束去鬚葉切為寸厚葱餅烘熱置臍上仍以

熨斗熨之尤便而妙

疝氣論列方

荔香散 新因二八

川棟散 和三二六

加味通心飲 寒三三三

煖肝煎 新熱十五

疝氣

理陰煎 新熱三

龍胆瀉肝湯 寒六三

六味丸 補一二二

八味丸 補一二二

葛花解醒湯 和一二四

溫胃飲 新熱五

腎氣丸 熱一七八

歸脾湯 補三三

加味五苓散 和一一四

玉燭散 攻二四

五積散 散三九

丁香棟實丸 熱百八十

蒼朮散 和三二八

葵子湯 寒一一四

天台烏藥散 和三二九

桃仁煎 攻三九

桃仁膏 和三百三十

茵陳飲 新寒八

○百選十補丸 熱一七五

○神應散 熱一七六

○守效丸 和三三一

○醫林四神丸 熱一五四

○神祐丸 攻四八

○禹功散 攻四一

○三層茴香丸 熱一八二

○導水丸 攻七一

○胡蘆巴丸 熱一七九

○六味回陽飲 新熱二

○大分清飲 新寒五

○沉香桂附丸 熱百十二

○補中益氣湯 補三一

○補陰益氣煎 新補十六

論外備用方

○荔枝散 和三二七  
氣疝

○祛痛散 和七一  
氣逆



木香導氣丸

因二七六

降椒酒

和二三八  
風濕

苦楝丸

熱一八一  
奔豚

加成柴苓湯

和一九三  
濕疝寒熱

蟠葱散

熱百十一  
寒滯

羊肉湯

熱一七七  
寒疝

疝氣神方

因二七二  
二七四

去鈴丸

因二七七

奪命丹

熱一八三  
陰寒

當歸羊肉湯

熱一七七  
寒疝

川楝丸

因二七五  
寒滯

固元丹

周三一  
虛寒

濕疝陰丸作痛

因二七九

脫肛

論證

大腸與肺爲表裏肺熱則大腸燥結肺虛則大腸滑脫此其要也故有因久瀉久痢脾腎氣陷而脫者有因中氣虛寒不能收攝而脫者有因勞役吐瀉傷肝脾而脫者有因酒濕傷脾色慾傷腎而脫者有因腎氣本虛關門不固而脫者有因過用寒涼降多亡陽而脫者有因濕熱下墜而脫者然熱者必有熱證如無熱證便是虛證且氣虛卽陽虛非用溫補多不能效凡小兒元氣不實者常有此證故陳自明曰大腸虛寒其氣下陷則肛門翻出或因產努力其肛亦然是誠確見之

論

論治

內經曰下者舉之徐之才曰澁可去脫皆治脫肛之法也故古  
人之治此者多用參芪歸朮川芎甘草升麻之類以升之補  
之或兼用北五味烏梅之類以固之澁之仍外用薰洗收澁  
之藥則無有不愈○凡中氣微虛而脫者宜四君子湯或五  
味異功散○中寒吐瀉而脫者五君子煎或溫胃飲○瀉痢  
不止而滑脫者胃關煎或加烏梅北五味文蛤木香之屬以  
佐之○脾虛下陷而脫者補中益氣湯或舉元煎○陰虛肝

腎不足而下陷者補陰益氣煎○陰中陽虛而脫者理陰煎  
或大補元煎○以上諸證凡虛中挾火或熱赤或腫痛宜用  
補中益氣湯加黃連黃芩槐花之類加減治之然必真有火  
證火脈方可酌用寒涼若非實火則大忌苦寒以防其沉降  
敗脾也○若婦人產後用力太過肛門脫出者宜六物煎加  
升麻或用殿胞煎加人參仍須用溫熱湯洗而收之○若濕  
熱下墜疼痛脫肛甚者抽薪飲大分清飲微者約營煎

述古

薛立齋曰脫肛屬大腸氣血虛而兼濕熱凡濕熱勝者升陽除

濕湯○血熱者四物加條芩槐花○血虛者四物加白朮扶  
苓○兼痔而痛者四物加槐花黃連升麻○久痢者補中益  
氣湯加酒炒芍藥○中氣虛陷者前湯加半夏炮薑五味茯  
苓○腎虛者六味丸虛寒者八味丸

簡易方

一方 用五倍子末三錢明礬末二錢水二碗煎沸熱洗立收  
一方 治肛脫三五寸者先用五倍礬湯洗過次用赤石脂爲  
末以油紙托上四圍皆摻之妙

一方 用桑葉桃葉煎湯入礬末洗之則愈或以草麻子搗膏

藥貼頂心則不下脫

一方 用石灰炒熟以帛包裹令患者坐其上冷即易之

炙脫肛法

長強穴 灸三壯愈

躡中 隨年壯

百會 灸三壯治小兒脫肛

脫肛論列方

○ 四君子湯 補一

五君子煎 新熱六

大補元煎 新補一

溫胃飲 新熱五

○ 四物湯 補八

大分清飲 新寒五

○ 補中益氣湯 補三

胃關煎 新熱九

六物煎 新因二十

升陽除濕湯 和一七九

舉元煎 新補十七

六味丸 補一二二

五味異功散 補四

理陰煎 新熱三

煨胞煎 新因十

八味丸 補一二二

補陰益氣煎 新補十六

抽薪飲 新寒三

約營煎 新寒二十

論外備用方

縮砂散 因二八四  
伏熱

伏龍肝散 因二八八  
搽敷

真人養臟湯 和一  
九四

蟠龍散 因二八七  
搽敷

薰洗熨法  
二八二  
二八四

參朮芎歸湯

氣虛

涼血清腸散

因二八三  
血熱

訶子人參湯

因二八五  
虛陷

會稽

魯

超

謙菴訂

顛上如狀

桂枝湯  
脫肛

三



六物煎 新因二

升陽除濕湯 和一七九

舉元煎 新補世化

六味丸 補一二二

五味異功散 補四

理陰煎 新熟三

雙胞煎 新因十

八味丸 補一二三

補陰益氣煎 新補十六

抽薪飲 新果三

約營煎 新寒二十

論外備用方

忘血鐵煎 血熱 二八三

龍干人參散 虛弱 二八五

嘉我炭母 二八四

參米膏 虛弱 二八五

會稽 張介賓 會卿著

會稽 魯 超 謙菴訂

# 癲狂痴瘖

## 經義

宣明五氣篇曰邪入於陽則狂邪入於陰則痺搏陽則癲疾搏

陰則為瘖

生氣通天論曰陰不勝其陽則脉流薄疾并乃狂○陽不勝其

陰則五臟氣爭九竅不通

調經論曰血并於陰氣并於陽故爲驚狂

通天篇曰太陽之人多陽而少陰必謹調之無脫其陰而瀉其陽陽重脫者易狂陰陽皆脫者暴死不知人也

本神篇曰肝悲哀動中則傷魂魂傷則狂忘不精○肺喜樂無極則傷魄魄傷則狂狂者意不存人

脉解篇曰太陽所謂甚則狂癲疾者陽盡在上而陰氣從下下虛上實故狂癲疾也○陽明所謂病至則欲乘高而歌棄衣而走者陰陽復爭而外并於陽故棄衣而走也

陽明脉解篇帝曰足陽明之脉病甚則棄衣而走登高而歌甚  
至不食數日踰垣上屋所上之處皆非其素所能也病反能  
者何也岐伯曰四肢者諸陽之本也陽盛則四肢實實則能  
登高也熱盛於身故棄衣欲走也陽盛則使人妄言罵詈不  
避親疎而不欲食故妄走也

病能論帝曰有病怒狂者此病安生岐伯曰生於陽也陽氣者  
因暴折而難決故善怒也病名曰陽厥帝曰何以知之岐伯  
曰陽明者常動巨陽少陽不動不動而動大疾此其候也帝  
曰治之奈何曰奪其食即已夫食入於陰長氣於陽故奪其

食即已使之服以生鐵洛為飲夫生鐵洛者下氣疾也

通評虛實論帝曰癩疾何如岐伯曰脉搏大滑久自已脉小堅  
急死不治帝曰癩疾之脉虛實何如岐伯曰虛則可治實則  
死

大奇論曰心脉滿大癩瘵筋攣○肝脉小急癩瘵筋攣○一陰  
急為癩厥

邪氣臟腑病形篇曰心脉緩甚為狂笑濇為癩疾○肺脉急  
甚為癩疾○腎脉急甚為骨癩疾

奇病論帝曰人生而有病癩疾者病名曰何安所得之岐伯曰

病名爲胎病此得之在母腹中時其母有所大驚氣上而不  
下精氣并居故令子發爲癲疾也

寒熱病篇曰暴攣癲眩足不任身取天柱

癲狂篇曰癲疾始生先不樂頭重痛視舉目赤甚作極已而煩  
心候之於顏取手太陽陽明太陰血變而止○癲疾始作先  
反僵因而脊痛候之足太陽陽明太陰手太陽血變而止○  
癲疾始作而引口啼呼喘悸者候之手陽明太陽左强者攻  
其右右强者攻其左血變而止○治癲疾者常與之居察其  
所當取之處病至視之有過者瀉之置其血於瓠壺之中至

其發時血獨動矣不動灸窮骨二十壯窮骨者骹骨也○骨

癲疾者頤齒諸腠分肉皆滿而骨居汗出煩愧嘔多沃沫氣

下泄不治○筋癲疾者身倦攣急大刺項大經之大杼脉嘔

多沃沫氣下泄者不治○脉癲疾者暴仆四肢之脉皆脹而

縱脉滿盡刺之出血不滿灸之挾項太陽灸帶脉於腰相去

三寸諸分肉本輸嘔多沃沫氣下泄者不治○癲疾者疾發

如狂者死不治○以上俱言癲疾

狂始生先自悲也喜忘苦怒善恐者得之憂饑治之取手太

陰陽明血變而止及取足太陰陽明○狂始生少臥不饑自

高賢也自辯智也自尊貴也善罵詈日夜不休治之取手陽  
明太陽太陰舌下少陰視之盛者皆取之不盛釋之也○狂  
言驚善笑好歌樂妄行不休者得之大恐治之取手陽明太  
陽太陰○狂目妄見耳妄聞善呼者少氣之所生也治之取  
手太陽太陰陽明足太陰頭面頤○狂者多食善見鬼神善  
笑而不發於外者得之有所大喜治之取足太陰太陽陽明  
後取手太陰太陽陽明○狂而新發未應如此者先取曲泉  
左右動脈及盛者見血有頃已不已以法取之炙骨骹二十

壯○以上俱言狂證



長刺節論曰病在諸陽脉且寒且熱諸分且寒且熱名曰狂刺  
之虛脉視分盡熱病已止病初發歲一發不治月一發不治  
月四五發名曰癲病刺諸分諸脉其無寒者以鍼調之病已  
止而寒者以鍼調之

二十難曰重陽者狂重陰者癲脫陽者見鬼脫陰者目盲

五十九難曰狂癲之病何以別之然狂疾之始發少臥而不饑  
自高賢也自辯智也自倨貴也妄笑好歌樂妄行不休是也

○癲疾始發意不樂僵仆直視其脉三部俱盛是也

癲狂之病病本不同狂病之來狂妄以漸而經久難已癲病之  
至忽然僵仆而時作時止狂病常醒多怒而暴癲病常昏多  
倦而靜由此觀之則其陰陽寒熱自有冰炭之異故難經曰  
重陽者狂重陰者癲義可知也後世諸家有謂癲狂之病大  
概是熱此則未必然也此其形氣脉氣自亦有據不可不辨  
察陰陽分而治之

一 癲卽癇也觀內經所言癲證甚詳而癇則無辨卽此可知後  
世有癲癇風癇風癲等名所指不一則徒滋惑亂不必然也  
又如別錄所載五癇曰馬癇牛癇猪癇羊癇雞癇者卽今人

之謂羊癲猪癲也此不過因其聲之相似遂立此名可見癲  
癇無二而諸家於癲證之外又有癇證誠屬牽強無足憑也  
又千金方有風癇驚癇食癇及陰癇陽癇之說皆所當辨并  
列後條

論治 共五條

凡狂病多因於火此或以謀為失志或以思慮鬱結屈無所伸  
怒無所洩以致肝胆氣逆木火合邪是誠東方實證也此其  
邪乘於心則為神魂不守邪乘於胃則為暴橫剛強故治此  
者當以治火為先而或痰或氣察其甚而兼治之○若止曰

火邪而無脹閉熱結者但當清火宜抽薪飲黃連解毒湯三  
補丸之類主之○若水不制火而兼心腎微虛者宜硃砂安  
神丸或服蠶煎一陰煎主之○若陽明火盛者宜白虎湯玉  
泉散之類主之○若心脾受熱叫罵失常而微兼閉結者宜  
清心湯涼膈散二黃丸當歸龍薈丸之類主之○若因火致  
痰者宜清膈飲抱龍丸生鐵落飲主之甚者宜滾痰丸○若  
三焦邪實熱甚者宜大承氣湯下之○若痰飲壅閉氣道不  
通者必須先用吐法并當清其飲食此治狂之要也  
一癲病多由痰氣凡氣有所逆痰有所滯皆能壅閉經絡格塞

心竅故發則旋暈僵仆口眼相引目睛上視手足搐搦腰脊  
強直食頃乃甦此其倏病倏已者正由氣之倏逆倏順也故  
治此者當察痰察氣因其甚者而先之至若火之有無又當  
審其脉證而兼爲之治也○氣滯者宜排氣飲大和中飲四  
磨飲或牛黃丸蘓合丸集成潤下丸之類主之○痰盛者宜  
清膈飲六安煎二陳湯橘皮半夏湯或抱龍丸硃砂滾涎丸  
之類主之○兼痰兼火者宜清膈飲硃砂安神丸丹溪潤下  
丸之類主之○痰逆氣滯之甚者必用吐法吐後隨證調理

之

一癩癩證無火者多若無火邪不得妄用涼藥恐傷脾氣以致  
變生他證且復有陰盛陽衰及氣血暴脫而絕無痰火氣逆  
等病者則凡四君四物八珍十全大補等湯或乾薑桂附之  
類皆所必用不得謂癩癩盡屬實邪而概禁補劑也若真陰  
大損氣不歸根而時作時止昏沉難愈者必用紫河車丸方  
可奏效○其有虛中挾實微兼痰火不清而病久不愈者集  
驗龍腦安神丸最得其宜隨證增減可爲法也

一痴證凡平素無痰而或以鬱結或以不遂或以思慮或以  
疑貳或以驚恐而漸致痴證言辭顛倒舉動不經或多汗或

善愁其證則千奇萬怪無所不至脉必或弦或數或大或小  
變易不常此其逆氣在心或肝胆二經氣有不清而然但察  
其形體強壯飲食不減別無虛脫等證則悉宜服蠻煎治之  
最穩最妙然此證有可愈者有不可愈者亦在乎胃氣元氣  
之強弱待時而復非可急也○凡此諸證若以大驚猝恐一  
時偶傷心胆而致失神昏亂者此當以速扶正氣爲主宜七  
福飲或大補元煎主之

一小兒無狂證惟病癩者常有之凡小兒之病有從胎氣而得  
者有從生後受驚而得者蓋小兒神氣尙弱驚則肝胆奪氣

而神不守舍舍空則正氣不能主而痰邪足以亂之故凡治小兒之驚癇必須先審正氣然後察其病邪酌宜治之諸法俱載小兒門所當詳究

述古 共四條

千金方云小兒之癇有三風癇驚癇食癇也○風癇緣衣煖汗出風因入也初時先屈指如數乃作○驚癇起於驚悸大啼乃作○食癇其先不哺乳而變熱後發或先寒後熱者皆食癇也○又云病先身熱掣縱驚啼叫喚而後發癇脉浮者爲陽癇病在六腑外在肌肉猶易治也○病先身冷不驚掣不



啼叫而病發時脉沉者爲陰癇病在五臟內在骨髓難治也

陳無擇云夫癲癇病皆由驚動使臟氣不平鬱而生涎閉塞諸

經厥而乃成或在母胎中受驚或幼小感風寒暑濕或飲食

不節逆於臟氣而成蓋忤氣得之外驚恐得之內飲食屬不

內外三因不同忤氣則一

愚謂此一家之說雖若切當然風寒外感自有表證飲食內

傷是有裏證俱未必亂神若此而癲癇爲病則忽爾昏厥此

其病則專在心經以及肝胆二臟又非風寒飲食所能損病

若此者且風癇之義本以木邪所屬爲言亦非外感之謂卽

有外感或有飲食亦無非因驚因恐相兼爲病耳若以三因並列之則有未必然也

張子和曰肝屢謀胆屢不決屈無所伸怒無所洩肝木胆火隨炎入心心火熾亢神不守舍久逆而成癲狂一因也○有思慮過多脾傷失職心之官亦主思甚則火熾心血日涸脾液不行痰迷心竅以致癲狂二因也

丹溪曰大法行痰爲主黃連南星瓜蒌半夏尋火尋痰分多少而治無不愈有熱者以涼藥清其心有痰者必用吐法吐後用東垣安神丸及平肝之藥青黛柴胡川芎之類

簡易方

一方 治狂邪觸發無時披頭大叫但欲殺人不避水火者用  
苦參為末蜜丸桐子大每服五七十丸白滾湯或清茶送下

灸法

間使 五壯

人中 用小炷灸之

骨骶 二十壯

兩手足大拇指以二指金縛一處炙瓜甲角七壯須於甲肉之  
半令其四處着火

癲狂論列方

抽新飲 新寒三

白虎湯 寒二

○四君子湯 補一

清膈煎 新寒九

排氣飲 新和六

大和中飲 新和七

○滾痰丸 攻七七

○二陳湯 和一

○十全大補湯 補二十

○牛黃丸 和三五

○八珍湯 補十九

○清心湯 寒三四

大補元煎 新補一

○六安煎 新和二

○抱龍丸 小入五

○紫河車丸 小百七

○三黃丸 攻六八

○藕合丸 和三七

○當歸龍薈丸 寒一六七

○四物湯 補入

三書卷三十四

雜考其癩狂

十

○ 硃砂安神丸 寒二四

○ 七福飲 新補七

○ 玉泉散 新寒十五

○ 硃砂滾涎丸 攻七八

○ 二陰煎 新補十

○ 涼膈散 攻十九

○ 橘皮半夏湯 和十三

○ 三補丸 寒一六二

○ 四磨飲 和五二

○ 丹溪潤下丸 和百十六

○ 服蠻煎 新寒十九

○ 吐法 新攻一

○ 集成潤下丸 和百十七

○ 生鐵落飲 寒七七

○ 大承氣湯 攻一

○ 黃連解毒湯 寒一

○ 集驗龍腦安神丸 和七 一四

論外備用方

正心湯

補入二  
心虛生熱

寧志丸

補百十五  
養心神

長砂妙香散

固十五

抱膽丸

和三五七  
驚氣結

寧志丸

和三百六十六  
心風養神

人參琥珀丸

和三六一  
養心安神

歸神丸

和三五九  
神不守舍

神應丹

和三六三  
鎮驚痰

五癩神應丸

和三六四  
風痰

秘方半夏丸

和三六二  
風痰

振砂丸

和三五八  
痰氣結

琥珀壽星丸

和百十三  
痰癩

五生丸

熱九七  
寒痰

犀角丸

攻九  
風痰

牛黃清心丸

攻三五  
膏熱

# 癰閉

經義

靈蘭秘典論曰小腸者受盛之官化物出焉○三焦者決瀆之官水道出焉○膀胱者州都之官津液藏焉氣化則能出矣  
宣明五氣篇曰膀胱不利爲癰不約爲遺溺

生氣通天論曰陽不勝其陰則五臟氣爭九竅不通

口問篇曰中氣不足溲便爲之變

本輸篇曰三焦者足少陰太陽之所將太陽之別也並太陽之

正入絡膀胱約下焦實則閉癰虛則遺溺

奇病論曰有癰者一日數十溲此不足也

詳死生門入

玉機真臟論帝曰夫子言脾為孤臟中央土以灌四傍其太過

與不及其病皆何如岐伯曰太過則令人四肢不舉其不及

則令人九竅不通名曰重強

氣厥論曰胞移熱於膀胱則癰溺血膀胱移熱於小腸腦腸不

便上為口糜

經脈篇曰肝所生病者遺溺閉癰○足少陰實則閉癰

骨空論曰督脈為病癰痔遺溺



厥論曰厥陰之厥則少腹腫痛腹脹涇溲不利好臥屈膝陰縮  
腫脰內熱

邪氣臟腑病形篇曰腎脉微急爲沉厥奔豚足不收不得前後  
痺論曰腸痺者數飲而出不得中氣喘爭時發殄泄○胞痺者  
少腹膀胱按之內痛若沃以湯澁於小便上爲清涕

經脉篇曰足少陰之别名曰大鍾實則閉癰虛則腰痛

陰陽類論曰二陰一陽病出於腎陰氣客遊於心腕下空竅堤  
閉塞不通四肢別離

至真要大論曰太陽之勝隱曲不利互引陰股○歲太陰在泉

少腹痛腫不得小便

五常政大論曰涸流之紀其病癰悶邪傷腎也

六元正紀大論曰陽明司天之政民病癰閉

標本病傳曰大小不利者治其標

熱病篇曰癰取之陰踰及三毛上及血絡出血

終始篇曰內閉不得洩刺足少陰太陽與臍上以長鍼

論證 共三條

小水不通是為癰閉此最危最急證也水道不通則上侵脾胃

而為脹外侵肌肉而為腫泛及中焦則為嘔再及上焦則為

全書卷三十四  
雜論  
一喘數日不通則奔迫難堪必致危殆今人一見此證但知利  
水或用田螺鬚臍之法而不辨其所致之本無怪其多不治  
也

凡癰閉之證其因有四最當辨其虛實有因火邪結聚小腸膀胱者此以水泉乾涸而氣門熱閉不通也有因熱居肝腎者則或以敗精或以稿血阻塞水道而不通也若此者本非無水之證不過壅閉而然病因有餘可清可刮或用法以通之是皆癰閉之輕證也惟是氣閉之證則尤爲危候然氣閉之義有二焉有氣實而閉者有氣虛而閉者夫膀胱爲藏水之

腑而水之入也由氣以化水故有氣斯有水水之出也由水以達氣故有水始有溺經曰氣化則能出矣蓋有化而入而後有化而出無化而出必其無化而入是以其入其出皆由氣化此卽本經氣化之義非單以出者言氣化也然則水中  
有氣氣卽水也氣中有水水卽氣也今凡病氣虛而閉者必以真陽下竭元海無根水火不交陰陽否隔所以氣自氣而  
氣不化水水自水而水蓄不行氣不化水則水腑枯竭者有  
之水蓄不行則浸漬腐敗者有之氣旣不能化而欲強爲通  
利果能行乎陰中已無陽而再用苦寒之劑能無甚乎理本

甚明何知之者之不多見也至若氣實而閉者不過肝強氣  
一逆移碍膀胱或破其氣或通其滯或提其陷而壅者自無不  
去此治實者無難而治虛者必得其化爲不易也故凡臨此  
證不可不詳辨其虛實水火不濟之證則各別治法以爲自原而  
仲景曰在尺爲關在寸爲格關則不得小便格則吐逆此誤  
認關格之義也詳見關格門

論治 共七條

火在下焦而膀胱熱閉不通者必有火證火脉及溺管疼痛  
等證宜大分清飲抽薪飲益元散玉泉散及綠豆飲之類以

利之○若肝腎實火不清或遺濁或見血者大都清去其火  
水必自通前法俱可通用

一氣閉證當分虛實寒熱而治之

凡氣實者氣結於小腸膀胱之間而壅閉不通多屬肝強氣  
逆之證惟暴怒鬱結者多有之宜以破氣行氣為主如香附  
枳壳烏藥沉香茴香之屬兼四苓散而用之若氣陷於下藥  
力不能驟及者當卽以此藥多服探吐以提其氣使氣升則  
水自降也○有痰氣逆滯不通者卽以二陳湯六安煎之類  
探吐之○有熱閉氣逆者卽以大分清飲探吐之○有氣實

血虛而閉者用四物湯探吐之○凡氣實等證無如吐之妙者譬之滴水之器閉其上竅則下竅不通開其上竅則下竅必利蓋有升則有降無升則無降此理勢之使然也

凡氣虛而小便閉者必以素多斲喪或年衰氣竭者方有此證正以氣有不化最爲危候不易治也然凡病此者必其有漸但覺小便短少或便時費力便當留心速治若待其劇恐無及也但治此者亦當辨其臟氣之寒熱○若素無內熱之氣者是必陽虛無疑也或病未至甚須常用左歸右歸六味八味等湯丸或壯水以分清或益火以化氣隨宜用之自可

漸杜其原若病已至甚則必用八味丸料或加減金匱腎氣湯大劑煎服庶可挽回或疑桂附辛熱不敢輕用豈知下元陽氣虧甚得寒則凝得熱則行舍此二者更有何物可以直達膀胱而使水因氣化也○若氣虛下陷升降不利者宜補中益氣湯主之或即用此湯探吐之最妙○若素稟陽臟內熱不堪溫補而小便閉絕者此必真陰敗絕無陰則陽無以化水虧證也治宜補陰抑陽以化陰煎之類主之或偏於陽亢而水不制火者如東垣之用滋腎丸亦可但此卽火證之屬耳



全書卷三四  
雜說  
二  
一大小便俱不通者必先通其大便則小便自通矣宜入正散之類主之

一久服桂附之屬以致水虧陽亢而小便不通者宜解毒壯水以化陰煎之類主之○甚者以黃連解毒湯加分利滋陰等藥亦可然尤惟綠豆飲為解毒之神劑○其有因久服陽藥作用過多火本不盛單由水虧者非六味地黃湯大劑滋之不可也

一服分利既多而小水愈不通者此必下竭之證察其水虧者必須大補真陰火虛者必須峻補陽氣氣達水行其便自調

不可見其假實恣意疏通此與榨乾汁沛枯油者何異致令  
竭者愈竭鮮不危矣

膀胱無水等證有因泄瀉水歸大腸而小水不通者此當但  
治泄瀉泄瀉止而水自利也○有因大汗多汗氣從汗泄而  
小水不利者此當調治營衛表氣收而小便自利也○有虛  
勞吐血傷精水隨液去五內枯燥而小水不利者此當調補  
真陰血氣漸克而小水漸利也○凡此數者皆膀胱無水枯  
涸之證水泉旣涸故不可再加分利內惟泄瀉證亦有可分  
利者然亦不過十之三耳諸如此者當於各門詳察治之皆

非有水不通而爲癰閉之類也

一懷妊之婦每有小便不通者此以胎氣下陷溺孔被壓而然  
多以氣虛不能舉胎所致宜八珍湯補中益氣湯之類主之  
○若臨盆之際胎壓膀胱而小便不通者宜以手指托起其  
胎則小水自出

### 通閉方法

凡治小水閉塞不通危急之甚諸藥不效者速尋白菊花根搗  
爛用生白酒衝和取酒汁溫而飲之神效○按此方或白花  
者一時難得卽不拘何色但以家菊根代之亦必無不效

一法治膀胱有溺或因氣閉或因結滯阻塞不能通達諸藥不效危困將死者用猪溲胞一個穿一底竅兩頭俱用鷲翎筒穿透以線札定并縛住下口根下出氣者一頭乃將溲胞吹滿縛任上竅却將鷲翎尖插入馬口解去根下所縛手捻其胞使氣從尿管透入膀胱氣透則塞開塞開則小水自出大妙法也

一通塞法凡敗精乾血或溺孔結垢阻塞水道小便脹急不能出者令病人仰臥亦用鷲翎筒插入馬口乃以水銀一二錢徐徐灌入以手逐段輕輕導之則諸塞皆通路通而水自

出水出則水銀亦從而噴出毫無傷碍亦最妙法也

一薰洗通便法凡偶有氣閉小水不通脹急危困之極者速用皂角葱頭王不留行各數兩煎湯一盆令病者坐浸其中薰洗小腹下體久之熱氣內達壅滯自開便即通矣若係婦人亦可用葱數莖塞陰戶中外加薰洗其通尤速

述古 共三條

易老云寒在胞中遏塞不入熱在下焦填塞不便須用感北方寒水之化氣味俱陰之藥以除其熱泄其閉塞

東垣治一人病小便不利目睛突出腹脹如鼓膝已上堅硬皮

膚欲裂飲食不下服其淡滲利之藥皆不效予曰疾急矣非  
精思不能處思至半夜曰吾得之矣經曰膀胱者津液之腑  
必氣化而能出焉多服滲利之藥而痛益甚是氣不化也啓  
玄子云無陽則陰無以生無陰則陽無以化其淡氣薄者皆  
陽藥獨陽無陰欲化得乎遂以滋腎丸群陰之劑投之再服  
愈

丹溪曰小便不通有氣虛有血虛有實熱有痰有濕有氣結下  
焦血氣乾者死

癰閉論列方

抽薪飲 新寒三

○四苓散 和一八

○入正散 寒百十

○益元散 寒百十

玉泉散 新寒十

大分清飲 新寒五

化陰煎 新寒七

○滋腎丸 寒一六

○二陳湯 和一

○六味湯 補一二

○八味湯 補一二

○補中益氣湯 補三

左歸飲 新補二

右歸飲 新補三

○黃連解毒湯 寒一

○六安煎 新和二

○四物湯 補八

○金匱腎氣湯 補一三

綠豆飲 新寒十四

○八味丸 補一二二

論外備用方

地髓湯 和三四五  
閉痛

疏鑿飲 和五三  
水閉

人參固本丸 補百七  
陰虛

五苓散 和一八  
二

葱白湯 和三百五十  
氣閉欲死

萬全木通湯 和三四九  
利便

導赤散 寒一二  
二

七正散 寒百十六  
火閉

導水茯苓湯 和六二  
閉而腫

葱熨法 因二九  
一

清肺飲子 寒四十  
氣分熱

黃芩清肺飲 寒三八  
氣熱

葵子湯 寒一二四  
膀胱熱

赤茯苓湯 寒一二三  
膀胱熱



直指黃芩湯 寒百七 心肺熱

獨蒜通便方 因二入 九

十全大補湯 補二 十

加味龍膽瀉肝湯 寒六 四

加味通心飲 寒三三 疝閉

大連翹飲 寒七八 風熱

猪苓湯 和一入八 傷寒 下後小水不通

龍膽瀉肝湯 寒六三 肝火

三味牛膝湯 寒一二六 莖痛閉

加味逍遙散 補九四 虛熱

良方龍膽瀉肝湯 寒六二

小便不通方 因二百 九十

# 秘結

經義

金匱真言論曰北方黑色入通於腎開竅於二陰

氣厥論曰膀胱移熱於小腸隔腸不便

脉解篇曰太陰所謂病脹者得後與氣則快然如衰也

邪氣臟腑病形篇曰腎脉微急爲不得前後○小腸病者小腹  
痛腰脊控睪而痛時窘之後

五常政大論曰涸流之紀其病痿厥堅下○其病癰閉邪傷腎  
也

六元正紀大論曰不遠熱則熱至淋瀝之病生矣○太陽所至  
爲流泄禁止○燥勝則乾

至真要大論曰太陰司天病陰痺大便難陰氣不用病本於腎  
○太陽之勝隱曲不利互引陰股○少陰之復隔腸不便  
宣明五氣篇曰腎惡燥

臟氣法時論曰腎苦燥急食辛以潤之開腠理致津液通氣也  
雜病篇曰厥氣走喉而不能言手足清大便不利取足少陰

論證 共二條

秘結一證在古方書有虛秘風秘氣秘熱秘寒秘濕秘等說而  
東垣又有熱燥風燥陽結陰結之說此其立名太煩又無確  
據不得其要而徒滋疑惑不無為臨證之害也不知此證之

當辨者惟二則曰陰結陽結而盡之矣蓋陽結者邪有餘宜  
攻宜瀉者也陰結者正不足宜補宜滋者也知斯二者卽知  
秘結之綱領矣若或疑余之說而欲必究其詳則凡云風秘  
者蓋風未必秘但風勝則燥而燥必由火熱則生風卽陽結  
也豈謂因風而宜散乎有云氣秘者蓋氣有虛實氣實者陽  
有餘陽結也氣虛者陽不足陰結也豈謂氣結而盡宜破散  
乎至若熱秘寒秘亦不過陰陽之別名耳再若濕秘之說則  
濕豈能秘但濕之不化由氣之不行耳氣之不行卽虛秘也  
亦陰結也總之有火者便是陽結無火者便是陰結以此辨

之豈不了然余故曰凡斯二者卽秘結之綱領也

一秘結之由除陽明熱結之外則悉由乎腎蓋腎主二陰而司  
開闔故大小便不禁者其責在腎然則不通者獨非腎乎故  
腎熱者宜涼而滋之腎寒者宜溫而滋之腎虛者宜補而滋  
之腎乾燥者宜潤而滋之經曰腎苦燥急食辛以潤之開腠  
理致津液通氣也正此之謂

論治 共七條

一陽結證必因邪火有餘以致津液乾燥此或以飲食之火起  
於脾或以酒色之火熾於腎或以時令之火蓄於臟凡因暴

病或以年壯氣實之人方有此證然必有火證火脉內外相  
符者方是陽結治此者又當察其微甚邪結甚者非攻不可  
宜諸承氣湯神祐丸百順丸之類主之○邪結微者宜清涼  
飲子元戎四物湯或黃龍湯玉燭散之類主之○火盛不解  
者宜涼膈散大黃硝石湯八正散大分清飲大金花丸之類  
主之○火盛水虧陰虛而燥者宜丹溪補陰丸人參固本丸  
或六味地黃加黃柏知母麻仁之類主之

一陰結證但察其既無火證又無火脉或其人喜熱惡冷則非  
陽證可知然既無邪何以便結不通蓋此證有二則一以陽

一虛一以陰虛也凡下焦陽虛則陽氣不行陽氣不行則不能傳送而陰凝於下此陽虛而陰結也下焦陰虛則精血枯燥精血枯燥則津液不到而腸臟乾稿此陰虛而陰結也故治陽虛而陰結者但益其火則陰凝自化宜右歸飲大補元煎大營煎之類主之或以人參當歸數錢煎湯送右歸入味等丸俱妙○治陰虛而陰結者但壯其水則涇渭自通宜左歸飲左歸丸當歸地黃飲五福飲六味地黃丸之類主之○二者欲其速行宜於前法中各加肉蓯蓉二三錢以酒洗去鹹同煎服之其效尤速然此等證候其來有漸但初覺時便當

加意調理自無不愈若待氣血俱敗則最難爲力而徒歸罪  
於藥之不效亦何其不智也○以上陰結一證雖氣血之分  
自當如此然血虛者亦必氣有不行氣虛者豈曰血本無恙  
大都虛而兼熱者當責其血分虛而兼寒者當責其氣分此  
要法也第今之世人但知有熱秘而不知有冷秘所以局方  
有半硫丸海藏有已寒丸之類皆治此之良劑所當察也若  
欲兼溫兼補似不若入味地黃丸及理陰煎之屬爲更妙  
一大便本無結燥但連日或旬日欲解不解或解止些須而不  
能通暢及其旣解則仍無乾硬凡此數者皆非火證總由七



情勞倦色慾以致陽氣內虧不能化行亦陰結之屬也此當  
詳察脾腎辨而治之病在脾者宜治中焦以理中湯溫胃飲  
五君子煎歸脾湯補中益氣湯之類王之病在腎者宜治下  
焦以右歸飲大補元煎八味地黃湯之類王之

一老人便結大都皆屬血燥蓋人年四十而陰氣自半則陰虛  
之漸也此外則愈老愈衰精血日耗故多有乾結之證治此  
之法無他惟虛者補之燥者潤之而盡之矣然亦當辨其虛  
實微甚及有火無火因其人而調理之可也○凡潤燥等劑

如導滯通幽湯○苳蓉潤腸丸○搜風順氣丸○東垣潤腸

丸○衛生潤腸丸○元戎四物湯○三仁丸百順丸之類皆  
可選用○又豕膏爲潤燥之神劑最當隨宜用之○其有大  
虛大熱者宜用前陰陽結治法○許學士治年老虛人便秘  
只用火麻仁蘓子仁各半研取汁服之更煮粥食之不必服  
藥而秘愈

一便閉有不得不通者凡傷寒雜證等病但屬陽明實熱可攻  
之類皆宜以熱結治法通而去之若察其元氣已虛旣不可  
瀉而下焦脹閉又通不宜緩者但用濟川煎王之一則無有不  
達

一元氣薄弱之人凡患傷寒雜證病氣不足等病而有大便不行者但察其胸腹下焦若絕無脹實痞塞急墜欲解等患此其中本無實邪卽雖十日二十日不解亦自無妨切不可因其不便強爲疎導蓋其胃口未開食飲未進則全賴中氣以爲捍禦之本但俟邪氣漸退胃氣漸和則自然通達無足慮也若腸臟本無滯碍而強爲通利以泄胃氣遂至主不勝客者有之邪因而陷者亦有之此其害受於冥冥之中而人多不知也識之慎之

一秘結證凡屬老人虛人陰臟人及產後病後多汗後或小便

過多或吐血失血大吐大瀉之後多有病爲燥結者蓋此非  
氣血之虧卽津液之耗凡此之類皆須詳察虛實不可輕用  
苾硝大黃巴豆牽牛羌花大戟等藥及承氣神芎等劑雖今  
日暫得通快而重虛其虛以致根本日竭則明日之結必將  
更甚愈無可用之藥矣况虛弱之輩幸得後門堅固最是壽  
徵雖有澁滯亦須緩治但以養陰等劑漸加調理則無有不  
潤故病家醫家凡遇此類切不可性急欲速以自取其敗而  
致悔無及也

述古

共四條

東垣曰金匱真言論云北方黑色入通於腎開竅於二陰又云

大便難者取足少陰夫腎主五液津液潤則大便如常若饑

飽失節勞役過度損傷胃氣及食辛熱味厚之物而助火邪

耗散真陰津液虧少故大便結燥然結燥之病不一有熱燥

有風燥有陽結有陰結又有年老氣虛津液不足而結燥者

治法云腎惡燥急食辛以潤之結者散之如少陰不得大便

以辛潤之太陰不得大便以苦泄之陽結者散之陰結者溫

之仲景曰小便利而大便硬不可攻下以脾約丸潤之食傷

太陰腹滿而食不化腹響然不能大便秘者以苦藥泄之如血

燥而不能大便者以桃仁酒製大黃通之風結燥而大便不  
行者以麻子仁加大黃利之如氣澁而大便不通者以郁李  
仁枳實皂角仁潤之大抵治病必究其源不可一槩用巴豆  
牽牛之類下之損其津液燥結愈甚復下復結極則以致導  
引於下而不通遂成不收噫可不慎哉○又曰凡臟腑之秘  
不可一例治有虛秘有實秘實秘者能飲食小便赤麻仁丸  
七宣丸之類主之胃虛而秘者不能飲食小便清厚朴湯主  
之蓋實秘者物也虛秘者氣也

子觀此東垣之法多從治標雖未有虛實之辨而用厚朴湯

者此但以有物無物言虛實謂有物者當下之無物者當行  
其氣耳而於真陰虧損邪正之虛實則所未及此其法固不  
可廢亦不可泥也

丹溪曰古方有脾約證制脾約丸謂胃強脾弱約束津液不得  
四布但輸膀胱故小便數而大便難者曰脾約與此丸以下  
脾之結燥腸潤結化津液入胃而愈然既曰脾約必陰血枯  
稿內火燔灼熱傷元氣故肺受火邪而津竭必竊母氣以自  
救金耗則土受木傷脾失轉輸腑失傳送宜大便秘而難小  
便數而無藏蓄也理宜滋養陰血使陽火不熾金行清化脾

土清健津液入胃則腸潤而通矣今此丸用之熱甚而氣實與西北方人稟之壯實者無有不安若用之東南方人與熱雖盛而氣血不實者雖得暫通將見脾愈弱而腸愈燥矣須知在西北以開結爲主在東南以潤燥爲主

王節齋曰若年高人脾虛血燥易饑易飽大便燥難用白芍藥當歸各一兩人參七錢升麻炙甘草各四錢山查大麥芽桃仁去皮尖另研各五錢此老人常服藥也

薛立齋曰前證屬形氣病氣俱不足脾胃虛弱津血枯涸而大便難耳法當滋補化源又有脾約證成無已曰胃強脾弱約



東津液不得四布但輸膀胱小便數而大便難者是也宜用  
脾約丸陰血枯槁內火燔灼肺金受邪土受木剋脾肺失傳  
大便秘而小便數者宜用潤腸丸此乃病氣有餘之治法也  
經云脾爲至陰已土而主陰然老弱之人當補中益氣以生  
陰血○又曰腎開竅於二陰大小便也若腎經津涸者用六  
味丸脾肺氣虛者補中益氣湯脾經鬱結者加味歸脾湯氣  
血虛者八珍湯若發熱作渴飲冷用竹葉黃芪湯若膏粱厚  
味積熱者加味清胃散

陽結新按

余嘗治一壯年素好火酒適於夏月醉則露臥不畏風寒此其  
食性臟氣皆有大過人者因致熱結三焦二便俱閉余先以  
大承氣湯用大黃五七錢如石投水又用神祐丸及導法俱  
不能通且前後俱閉危劇益甚遂仍以大承氣湯加生黃二  
兩芒硝三錢加牙皂二錢煎服黃昏進藥四鼓始通大便通  
而後小便漸利此所謂盤根錯節有非斧斤不可者卽此之  
類若優柔不斷鮮不害矣

陰結新按

朱翰林太夫人年近七旬於五月時偶因一跌卽致寒熱群醫

爲之滋陰清火用生地芍藥丹皮黃芩知母之屬其勢日甚  
及余診之見其六脉無力雖頭面上身有熱而口則不渴且  
足冷至股余曰此陰虛受邪非跌之爲病實陰證也遂以理  
陰煎加人參柴胡二劑而熱退日進粥食二三碗而大便以  
半月不通腹且漸脹咸以爲慮群議燥結爲火復欲用清涼  
等劑余堅執不從謂其如此之脉如此之年如此之足冷若  
再一清火其原必敗不可爲矣經曰腎惡燥急食辛以潤之  
正此謂也乃以前藥更加薑附倍用人參當歸數劑而便卽  
通脹卽退日漸復原矣病起之後衆始服其定見

秘結論列方

○承氣湯 攻一

○黃龍湯 攻二

○五君子煎 新熱六

○厚朴湯 和三三

○八正散 寒百十  
五

○大補元煎 新補一

○涼膈散 攻十九

○大營煎 新補十  
四

○補中益氣湯 補三一

○理中湯 熱一

○理陰煎 新熱三

○當歸地黃飲 新補二  
十

○溫胃飲 新熱五

○歸脾湯 補三三

○加味歸脾湯 補三  
四

○左歸飲 新補二

右歸飲 新補三

加味清胃飲 寒五五

左歸丸 新補四

五福飲 新補六

人參固本丸 補百七

濟川煎 新補二

豕膏 新因二

元戎四物湯 攻二六

六味丸 補一二

八味丸 補一二

丹溪補陰丸 寒百六

麻仁丸 攻九二

玉燭散 攻二四

竹葉黃芪湯 寒七

脾約丸 攻九三

八珍湯 補十九

東垣潤腸丸 和三百四十

三仁丸 和三八

百順丸 新攻六

大分清飲 新寒五

○衛生潤腸湯 和三三

○七宣丸 攻九四

○清涼飲子 攻二五

○菴蓉潤腸丸 和三四

○神祐丸 攻四八

○大金花丸 攻五五

○導滯通幽湯 和三三

○大黃硝石湯 攻十四

○搜風順氣丸 和三四

論外備用方

三和散 和百五十

益血丹 補一五九

人參固本丸 補百七

潤腸湯 和三三三

全書卷二四

能參實秘結

三

通幽湯 和三三四 燥結痛

皂角散 和三三七 通秘

十全大補湯 補二十 虛秘

益血潤腸丸 和三四二 老人便秘

大已寒丸 熱一七二 寒秘

芍藥清肝散 寒六一

桃仁承氣湯 攻四

半硫丸 熱一八八 虛冷秘

當歸承氣湯 攻六

犀角丸 攻九 痰火秘

調營活絡飲 和二 八三

木香檳榔丸 攻五十 積熱秘

當歸龍薈丸 寒一六 七

聖惠搜風順氣丸 和三四四 血燥熱

# 詐病

論證

夫病非人之所好而何以有詐病蓋或以爭訟或以鬪毆或以  
妻妾相妬或以名利相關則人情詐偽出乎其間使不有以  
燭之則未有不爲其欺者其治之之法亦惟借其欺而反欺  
之則真情自露而假病自瘳矣此亦醫家所必不可少者

仲景曰病者向壁臥聞師到不驚起而盼視若三言三止脉之  
嚙啞者此詐病也設見脉自和處或師持其脉病人欠者皆  
無病也但言此病大重當須服吐下藥鍼灸數十百處乃愈

新按



予向同數友遊寓榆關客邸內一友素耽風月忽於仲冬一日  
譙鼓初聞其友急叩子戶啓而問之則張皇求救云所狎之  
妓忽得急證勢在垂危倘遭其厄禍不可解予隨往視之見  
其口吐白沫僵仆於地以手摸之則口鼻四肢俱冷氣息如  
絕陡見其狀殊爲驚駭因拽手診之則氣口和平脉不應證  
予意其脉和如此而何以證危如是第以初未經識猶不知  
其爲詐也然沉思久之則將信將疑而復診其脉則安然如  
故始豁然省悟豈卽仲景之說也遂大聲於病妓之傍曰此  
病危矣使非火攻必不可活非用如棗如栗之艾亦不可活

又非連灸眉心中小腹數處亦不可活余寓有艾宜速取  
來灸之然火灸尚遲姑先與一藥使其能嚙嚙後少有聲息  
則生意已復卽不灸亦可若口不能嚙或嚙後無聲當速灸  
可也卽與一藥囑其服後卽來報我彼狡奴聞予之言竊已  
驚怖惟恐大艾着身藥到卽嚙嚙後少頃卽啞聲出而徐動  
徐起矣予次日問其所以乃知爲吃醢而發也予聞之大笑  
始知姊妹行中奸狡之况有如此

又予在都中時一相契金吾公畜二妾其一則燕姬也有母隨  
之一日二妾相競燕姬理屈其母助惡叫跳撒賴遂致氣厥

若死乃令一婢抱持而坐自暮及旦絕無甦意清晨延子療  
之子初入室見其肉厚色黑面青目瞑手撒息微及診其脉  
則伏渺若脫亦意其真危也斯時也欲施溫補則慮其大怒  
之後逆氣或有未散欲加開導則慮其脉之似絕虛極有不  
能勝躊躇未決乃請復診及入室再見則不若前次之撒手  
而十指交叉抱腹仰坦於婢者之懷因疑其前番撒手今旣  
能叉手豈他人之所爲乎及著手再診則似有相嫌不容之  
意而拽之不能動此更可疑也因出其不意卒猛一扯則頓  
脫有聲力強且勁由是前疑始釋謂其將死之人豈猶力有

如是不乎乃思其脉之若此者或以肉厚氣滯此比人稟賦多有之也或以兩腋夾緊此奸人狡詐亦有之也若其面青息微則怒氣使然自不足怪識見既定因聲言其危使聞灸法以恐勝之遂先投一劑到咽卽活次日會公因詢予曰昨日之病固料其勢必危矣然謂其爲真邪則何以藥甫及唇而效之峻速有如此謂其爲假耶則何以能終夜做作而形證之肖似有如此昨公所用之藥果亦有何玄秘否是皆不能無疑也予曰予之玄秘秘在言耳亦不過借藥爲名耳但使彼懼敢不速活經曰憂可勝怒正此謂也是可見人情之巧

其有最難測者皆如此使昨非再診而再察之則子亦幾爲所誑矣是以凡遇此類不可不加之詳審

又一姻戚士子爲宦家所徵遂臥病旬日吐血益益因喧傳人命連及多人延醫數輩見其危劇之狀皆束手遠避防爲所累也最後子往視之察其色則絕無蒼苦之意診其脈則總皆和緩如常子始疑之而繼則悟之因潛語之曰他可欺也子亦可欺耶此爾之血也抑家禽之血耶其人愕然逸子無言遂爲調和而相銜感而散○又一隣婦以妬妾作鬧詬夫反目因而病劇則咬牙瞪眼僵厥不蘇若命在呼吸間者其

夫驚皇無措其妾幾遭不堪浼子救之則脉非其病遂用前  
法治之愈後其夫感謝而不知爲其所愚也若此二人則又  
人事中之常態使不有懸朗之鑑則此中變幻有以假病而  
延成真病者有以小忿而延成大禍者茲予拂之若振埃不  
但爲人造福而且可防人之欺故亦紀之以資倉卒之急用

# 癘風

其經義

風論曰風氣與太陽俱入行諸脉俞散於分肉之間與衛氣相

干其道不利故使肌肉憤腫而有疔疳氣有所凝而不行故  
其肉有不行也○癘者有營氣熱附其氣不清故使鼻柱壞  
而色敗皮膚瘍潰風寒客於脉而不去名曰癘風或名曰寒  
熱

長刺節論曰病大風骨節重鬚眉墮名曰大風刺肌肉為故汗  
出百日刺骨髓汗出百日凡二百日鬚眉生而止鍼○癘風  
者素刺其腫上已刺以銳鍼鍼其處按出其惡氣腫盡乃止  
常食方食無食他食

脉要精微論曰脉風成為癘

論證

癩風卽大風也又謂之癩風俗又名謂大麻風此病雖名爲風而實非外感之風也實以天地間陰厲濁惡之邪或受風木之化而風熱化蟲或受濕毒於皮毛而後及營衛或犯不潔或因傳染皆得生蟲蓋蟲者厥陰主之厥陰爲風木主生五蟲也蟲之生也初不爲意而漸久漸多遂致不可解救誠最惡最危最醜證也又千金云自作不仁極惡之業也所以最爲難治觀孫真人云嘗治數百人終無一人免於死者蓋無一人能守禁忌故耳惟一婦人病愈後又服加減四物湯百



全書卷三十四  
雜論  
餘劑半年之上方得經行十分全愈又丹溪治五人亦惟一  
婦人得免以其貧甚且寡無物可喫也外三四人者越二三年  
皆復作而死由此觀之可見此證非得出奇秘方鮮能取  
效故予逢此證不敢強以爲知而妄施治療亦不敢強言治  
法以惑後人至若古人論治之法亦甚詳悉用之得宜雖病  
根未必可拔而延保餘年天枉自亦可免由是徧求諸說則  
唯薛立齋癘瘍機要論列已至今擇其要并諸論之得理者  
詳述於左以爲證治之綱領云

述古論 共三條

立齋曰大抵此證多由勞傷氣血腠理不密或醉後房勞沐浴  
或登山涉水外邪所乘衛氣相搏濕熱相火血隨火化而致  
故淮揚閩廣間多患之近代先哲云感天地肅殺惡氣所致  
其上體先見或多者毒在上也下體先見或多者毒在下也  
蓋氣分受邪則上多血分受邪則下多氣血俱受則上下齊  
見凡眉毛先落者毒在肺面發紫泡者毒在肝腳底先痛或  
穿者毒在腎偏身如癱者毒在脾目先損者毒在心此五臟  
受病之重者也○又一曰皮死麻木不仁二曰肉死鍼刺不  
痛三曰血死潰爛四曰筋死指脫五曰骨死鼻柱壞此五臟

受傷之不可治者也若聲啞目盲尤爲難治○又治法當辨  
本證兼證變證類證陰陽虛實而斟酌焉若妄投燥熱之劑  
膿水淋漓則肝血愈燥腎水愈枯相火愈旺反成敗證矣

一癘瘍所患非止一臟然其氣血無有弗傷兼證無有弗見况  
積歲而發見於外須分經絡之上下病勢之虛實不可槩施  
攻毒之藥當先助胃壯氣使根本堅固而後治其瘡可也經  
云真氣奪則虛邪氣勝則實凡云病屬有餘者當察其元氣  
不足

耆婆慈病論曰疾風有四百四種總而言之不出五種卽是五

風一曰黃風二曰青風三曰白風四曰赤風五曰黑風其風  
合五臟故曰五風五風生五蟲黃風生黃蟲青風生青蟲白  
風生白蟲赤風生赤蟲黑風生黑蟲食人五臟若食人脾語  
變聲散食人肝眉睫墮落食人心遍身生瘡食人肺鼻柱崩  
倒鼻中生瘰肉食人腎耳鳴啾啾或如車行雷鼓之聲若食  
人皮皮膚頑痺食人筋肢節墮落五風合五臟蟲生致多入  
於骨髓往來無礙壞於人身名曰疾風疾風者是癘風之根  
本也病之初起或如針錐所刺名曰刺風或如蟲走名曰遊  
風遍身掣動名曰瞶風不覺痛痒名曰頑風肉起如桃李小

棗核從頭面起者名曰順風從面脚起者名曰逆風如連錢  
團圓赤白青烏斑駁名曰癩風或遍體生瘡或如芥癬或如  
魚鱗或如榆莢或痒或痛黃汁流出肢節壞爛爲膿爲血或  
不痒不痛或起或滅青黃赤白黑變易不定病起之由皆因  
冷熱不調流於五臟通徹骨髓用力過度飲食雜穢房室不  
節虛勞動極汗流遍體因茲積熱於五臟致生多蟲食人五  
臟骨髓皮肉筋節久久敗壞名曰癩風惟見黑蟲者最爲難  
治人得此疾速宜棄家室財物離妻妾入山靜養療治無有

不差

述古治法 共八條

詳立齋曰凡癘瘍當知有變有類之不同而治法有汗有下有  
砭刺攻補之不一蓋兼證當審輕重變證當察先後類證當  
詳真偽而汗下砭刺攻補之法又當量其人之虛實究其病  
之原委而施治之蓋虛者形氣虛也實者病氣實而形氣未  
必實也

一癘瘍砭刺之法子和張先生謂一汗抵千針蓋以砭血不如  
發汗之周徧也然發汗卽出血出血卽發汗二者一律○若  
惡血凝滯在肌表經絡者宜刺宜汗取委中出血則效○若

惡毒蘊結於臟腑非蕩滌其內則不能痊○若毒在外者非  
砭刺遍身患處及兩臂腿腕兩手足指縫各出血其毒必不  
能散○若表裏俱受毒者非外砭內泄其毒決不能退○若  
上體多宜用醉仙散取其內蓄惡血從齒縫中出及刺手指  
縫并臂腕以去肌表毒血○若下體多宜用再造散令惡血  
陳蟲從穀道中出仍針指足縫并腿腕隔一二日更刺之以  
血赤爲度○如有寒熱頭痛等證 大補氣血爲主

一癘瘍服輕粉之劑若腹痛去後兼有膿穢之物不可用藥止  
之○若口舌腫痛穢水時流作渴發熱喜冷此爲上焦熱毒

宜用瀉黃散○若寒熱往來宜用小柴胡湯加知母○若口齒縫出血發熱而大便秘結此為熱毒內滯宜用黃連解毒湯若大便調和用局方犀角地黄湯○若穢水雖盡口舌不愈或發熱作渴而不飲冷此虛熱也宜七味白朮散

一癘瘍手足腿臂或各指拳攣者由陰火熾盛虧損氣血當用加味逍遙散加生地黃及換肌散兼服

一癘瘍生蟲者以五方風邪翕合相火制金金衰不能平木所以化蟲內食五臟而證則見於外也宜用升麻湯送瀉青丸或穢皮散以清肺肝之邪外灸承漿以疏陽明任脉則風熱



息而蟲不生矣若肝經虛熱者佐以加味逍遙散六味地黃

九

徐東臯曰經云汗之則瘡已况癩之爲風尤瘡之最惡者故曰

癩風諸瘡熱久熱則生風且癩風尤染肅殺之氣而成者若

非汗法何以去其毒風所以汗之一法乃治癩之最要者其

餘諸方次第用之可也○凡患人身上痒甚蓋以風邪氣鬱

血不榮敷而然宜四物湯加黃芩白芷調浮萍末服發汗而

愈

一癩風灸法先服樺皮散自少至多服五七日灸承漿穴七壯

灸瘡愈後再灸之凡三灸之後服二聖散泄熱祛血中之風  
邪時更以升麻湯送下瀉青丸為佳倘年深日久即以愈風  
丹換骨丹等方詳而用之

一凡大風初起頭面搔痒便有紅紫疹塊起者即可服防風通  
聖散加苦參天麻蟬退數十貼外用七珍湯浴洗發汗則易  
愈大忌五辛葷腥厚味半年必不再發

述古變證治法 共三條

立齋日一身起疙塔搔破膿水淋漓若寒熱往來者肝經氣血  
虛而有火也用八珍湯加丹皮柴胡○寒熱內熱者血氣弱

而虛熱也入珍湯倍加參朮○若惡寒形寒者陽氣虛寒也  
用十全大補湯○若肌膚搔如帛隔者氣血不能外榮也人  
參養營湯○若面部抓之麻木氣血不能上榮也補中益氣  
湯○若痿弱筋攣者血氣不能滋養也補中益氣湯佐以六  
味地黃丸

一遍身疥瘡或癢疹搔痒此風熱傷血用羌活當歸散氣虛者  
佐以補中益氣湯加山梔鉤藤鉤血虛者佐以加味道遙散  
加鉤藤鉤○若手足皴裂不問黧白或於手足腿腕搔起白  
皮此風熱燥遊也用清胃散加芍藥

一 面赤搔痒或眉毛脫落此屬肺經風熱用人參消風散樺皮散氣虛用補中益氣湯加天麻殭蚕血虛用加味道遙散加鈎藤鈎○若面發紫泡或成塊或眉毛脫落屬肝經風熱先用小柴胡湯加山梔丹皮鈎藤鈎後用加味道遙散○凡證屬肝經血燥生風者但宜滋腎水生肝血則火自息風自定痒自止

兼證治法

一 癘瘍之有兼證變證凡如表裏臟腑諸病無不有之其各治法亦已具悉各門但有所值卽宜隨證參用之左右逢源無

弗善也重錄資繁茲不贅及

### 解諸毒

一敷砒霜患處作痛或腐潰者用濕泥頻塗換之若毒氣入腹

胸膈苦楚或作吐瀉飲冷米醋一二杯卽止多亦不妨生綠

荳末芝麻油俱可○敷貼雄黃藥悶亂或吐瀉用防已煎湯

解之○服辛熱藥而眉髮脫落者乃肝經血傷而火動非風

也用四物湯六味丸以滋肝血生腎水○服川烏草烏等藥

悶亂流涎或昏憤嘔吐或出血吐血用大豆遠志防風甘草

任用一味煎湯解之大凡服風藥過多皆宜用之如未應急

用甘草生薑汁○敷貼巴豆之藥患處作痛肌肉潰爛以生  
黃連爲末水調敷之若毒入內吐瀉等證更以水調服一二  
錢或大小豆菖蒲汁皆可○敷貼藜蘆毒入內煎葱湯解之  
○服祛風剋伐之藥嘔吐少食胸膈不利或形氣倦怠等證  
用六君子湯以補陽氣若煩熱作渴飲食不思或晡熱內熱  
面赤發熱用四物湯加參朮以生陰血餘從各門治之

### 禁忌

人之患斯疾者多由嗜慾不謹所致治斯疾者速當斷戒葷腥  
鹽醬一切厚味只宜清心寡慾絕色忘慮幽隱林泉屏棄世

務蚤蚤救療庶幾可活稍不守禁每見愈而復作及致危劇  
莫能再救總以其不守禁忌也

癘風論列方

○醉仙散 外二百七十

○再造散 外二十七

○黃連解毒湯 寒一

○換肌散 外二十七

○換骨丹 和二七九

○七味白朮散 小七

○七珍湯 外二八三

○八珍湯 補十九

○六味地黃丸 補一二

○四物湯 補八

○二聖散 外二六七

○十全大補湯 補二

○愈風丹 外二六

○瀉黃散 寒五七

○補中益氣湯 補三一

○樺皮散 外二六

○六君子湯 補五

○人參消風散 散四七

○清胃散 寒五四

○小柴胡湯 散十九

○人參養營湯 補二一

○瀉青丸 寒一五

○防風通聖散 攻十六

○加味逍遙散 補九四

○局方犀角地黄湯 寒七九

論外備用方

升麻湯 外二六九

浮萍散 外二七一



山花蛇丸 外二七

皂角散 外二七

雷丸散 外二七

白花蛇膏 外二七

行藥方 外二七

硫黃酒 外二八

防風天麻丸 外二七

若參酒 外二八

烏頭湯 外二八

洗癩方 外二八

敷癩方 外二八

黑虎丹 外二百

景岳全書卷之三十四終

景岳全書卷之三十五

雜證謨

天集

會稽 張介賓 會卿著

會稽 魯 超 謙菴訂

諸虫

經義

厥病篇曰腸中有虫痕及蛟蛭皆不可取以小鍼心腸痛懷作痛腫聚往來上下行痛有休止腹熱喜渴涎出者是蛟蛭也以手按聚而堅持之無令得移以大鍼刺之从持之虫不動

乃出鍼也悉腹脹痛形中上者

口問篇帝曰人之涎下者何氣使然岐伯曰飲食者皆入於胃  
胃中有熱則虫動虫動則胃緩胃緩則廉泉開故涎下補足  
少陰

五癘津液別篇曰中熱則胃中消穀消穀則虫上下作腸胃克  
郭故胃緩胃緩則氣逆故唾出

上膈篇曰氣爲上膈者食飲入而還出蟲爲下膈下膈者食晬

時乃出 詳膈門

氣交變大論曰歲木不及收殺氣行寒雨害物蟲食其黃脾土

受邪○歲土不及復則收政嚴峻名木蒼凋蟲食其黃氣客於脾

論疾診尺篇曰肘後麤以下三四寸熱者腸中有蟲

邪氣臟腑病形篇曰脾脉微滑爲蟲毒蝮蝎腹熱

論證 共三條

虫之爲病人多有之由於化生誠爲莫測在古方書雖曰由濕由熱由口腹不節由食飲停積而生是固皆有之矣然以常見驗之則凡藏強氣盛者未聞其有虫正以隨食隨化虫自難存而虫能爲患者終是臟氣之弱行化之遲所以停聚而

漸致生虫耳然則或由濕熱或由生冷或由肥甘或由滯膩皆可生虫非獨濕熱已也然以數者之中又惟生冷生虫爲最卽如收藏諸物但着生水或近陰濕則最易蛀腐非其義乎故凡欲愛養小兒極當節其水菓以防敗脾此實緊要之一端也至若治虫之法雖當去虫而欲治生虫之本以杜其源猶當以溫養脾腎元氣爲主但使臟氣陽強非惟虫不能留亦自不能生也余製有溫臟丸方最所宜也

一虫之爲病其類不一或由漸而甚或由少而多及其久而爲害則爲腹痛食減漸至羸瘠而危者有之凡虫痛證必時作

時止來去無定或嘔吐青黃綠水或吐出虫或痛而坐臥不安或大痛不可忍面色或青或黃或白而唇則紅然痛定則能飲食者便是虫積之證速宜逐之  
本事方云心虫曰蛔脾虫曰寸白腎虫如寸截絲縷肝虫如爛杏肺虫如蠶皆能殺人惟肺虫爲急肺虫居肺葉之內蝕入肺系故成瘵疾咯血聲嘶藥所不到治之爲難

論治 共四條

治虫之劑凡虫勢驟急上攻心腹作痛者宜掃虫煎先治其標  
○若虫積堅固者宜獵虫丸遇仙丹木香枳榔丸百順丸之

類主之○若稍緩而質弱者宜蕪蕪散化虫散之類主之  
丹溪云打虫方用棟樹根枳榔鶴虱夏取汁冬濃煎飲之又  
萬應丸最妙

一治虫之法按丹溪云上半月虫頭向上易治下半月虫頭向  
下難治先以肉汁或糖蜜引虫頭向上然後用藥此皆法之  
善者然此惟緩治之法耳然虫證甚急又安能必待其時乎  
且以望前望後辨虫頭亦若渺茫無據惟先用香餌而虫頭  
可引豈非望後之治亦自有法又何慮其難治也

徐東臯云治虫之方固多而用之者不知其法則亦不能下虫

如丹溪云虫頭向下之時必須俟其向上法當行於月半之前也若虫得食則不食藥亦不能下虫而徒瀉其虛也故雖有方不知其法則方亦不效凡欲下虫必先一日不食而使虫饑次早五更用油煎肉嚼之良久腹內虫聞肉香頭皆向上而欲食乃以雞蛋煎餅和藥嚼而食之須臾服葱湯或白水少少以助藥力下行不踰時而虫俱下甚至數升然後以白粥補之隨服補劑調理脾胃而疾可悉愈

一驗治法昔一人患心腹大痛或止或作痛不可忍凡用去積行氣等藥百方不效但於痛極時須用拳槌之痛得少止而



旋止旋作久不能愈日加困弊莫測其故忽一胡僧見之曰  
余能治也遂令病者先食香餌繼進一丸打下一硬嘴異虫  
遂愈此因虫嚙腸臟所以痛極槌之則五內震動虫亦畏而  
歛伏不槌則虫得自由所以復作此亦驗虫奇法故凡見心  
腹痛證但用揉按重捻而痛得暫止者多有因虫而然也

蛭虫 共五條

凡諸虫之中惟蛭虫最多其逐治之法總若前條然旋逐旋生  
終非善策欲杜其源必須溫養脾胃脾胃氣強虫自不生矣

散丹於逐虫之後或於未逐之先若欲調補脾腎則如歸脾

湯溫胃飲五君子煎理中湯或理陰煎之屬皆所宜也若欲  
兼重而治之則惟溫臟丸爲最善凡治虫之法或攻或補自  
有緩急先後之宜所當詳辨不可任意忽畧也

巢氏病源曰凡腹中痛其脉法當沉弱今脉反洪大者是蚘虫  
也

醫餘曰蚘虫亦九虫之數人腹中皆有之小兒失乳而哺早或  
食甜食過多胃虛而熱生虫令人腹痛惡心口吐清水腹上  
青筋用火煨史君子與食以殼煎湯送下甚妙然世人多於  
臨臥服之又無日分多不驗惟月初四五裏五更而服之至

日午前虫盡下可用溫平和胃藥調理一二日凡虫在腹中  
月上旬頭向上中旬橫之下旬頭向下故中旬下旬用藥則  
不入虫口所以不驗也牛馬之生子上旬生者行在母前中  
旬生者僉肩而行下旬生者後隨之貓之食鼠亦然天地自  
然之理物皆由之而莫知之

傷寒門有吐蛭蛭厥證治○嘔吐門有吐蛭治法并吐蛭治按  
○腫脹門有孫一奎蛭虫按俱當參閱

外臺用苦楝湯治蛭虫

寸白虫 共三條

神

此虫長寸許色白其狀如蛆母子相生有獨行者有箇箇相接不斷者故能長至一二丈○治寸白虫無如榧子煎其效如

本事方云用良方錫灰蕪荑栴榔者極佳五更服則虫盡下以此爲末用石榴根煎汁送下三錢或丸服亦可

庚志云趙子山字景高寓居邵武軍天王寺苦寸白虫爲患醫者咸云是疾當止酒然以素所耽嗜欲罷不能一夕醉於外舍至夜半口乾舌燥倉卒無湯飲適見廊廡下有甕水月色下照瑩然可掬卽酌而飲之甚甘如飴連飲數酌乃就寢迨

全書卷三十五  
雜言詩  
曉虫出盈席覺心腹頓寬宿疾遂愈一家皆驚異驗其所飲  
蓋寺僕日織草履浸紅藤根水也

小兒疳虫名曰疳蠶

小兒疳蠶亦由飲食過傷致成疳積身熱腹大面黃四肢無力  
昏睡鼻爛汁臭齒齦生瘡或下利黑血皆腹中有虫故也宜  
九味蘆薈丸追虫丸四味肥兒丸七味肥兒丸蟾蜍丸之類  
主之虫去之後仍當調補氣血

應聲虫 共二條

泊宅編云水州通判聽軍員毛景得奇疾每語喉中必有物作

聲相應有道人教令誦本草藥名至藍而默然遂取藍搗汁  
飲之少頃吐出肉塊長一寸餘人形悉具自後無聲

陳正敏遜齋閑覽載楊劭中年得異疾每發言應答腹中有小  
聲效之數年間其聲漸大有道人見而驚曰此應聲虫也久  
不治延及妻子宜讀本草遇虫不應者當取服之劭如言讀  
至雷丸虫無聲乃頓服之遂愈後正敏至長沙遇一丐者亦  
有是疾環而觀之者甚衆因教服雷丸丐者亦愈

九虫

千金要方云人腹中生虫大率有九皆能食人臟腑○一日伏

虫長四分群虫之主也○二曰虺虫長一尺生發多則貫心而殺人○三曰白虫長一寸子孫相生其母轉大長至四五丈亦能殺人○四曰內虫狀如爛杏令人煩滿○五曰肺虫狀如蠶令人欬嗽○六曰胃虫狀如蝦蟇令人嘔吐胃逆喜噦○七曰弱虫又名膈虫狀如瓜瓣令人多唾○八曰赤虫狀如生肉令人腸鳴○九曰蟻虫至細微形如菜虫居廣腸之間多則爲痔劇則爲癩因人瘡痍卽生諸癰疽癰瘦痂疥齧虫無所不爲其害匪細○凡此諸虫大則依附臟腑之間小則侵蝕肌膚之內若元氣尚實未爲大害稍有虛損遂肆

其毒甚至如勞瘵殺人及傳屍疰怪或應聲谿鼠之類而非  
理之可測者多矣業醫者不可不究其所致之本及治之之  
法也

狐惑 共二條

仲景曰狐惑之爲病狀如傷寒默默欲眠目不得閉起臥不安  
蝕於喉爲惑蝕於陰爲狐不欲飲食惡聞食臭其面目乍赤  
乍白乍黑蝕於上部則聲啞甘草瀉心湯主之○蝕於下部  
則咽乾苦參湯洗之○蝕於肛者雄黃薰之○愚按此仲景  
云狐惑之爲病狀如傷寒則可見本非傷寒也而後世卽以



狐惑爲傷寒者豈非誤乎

千金要方曰凡得傷寒及天行熱病腹中有熱又食少腸胃空

虛三虫行作求食蝕人五臟及下部若齒斷無色舌上盡白

甚者唇裏有瘡四肢沉重忽忽喜眠當數看其上唇內有瘡

唾血唇內如粟瘡者心內懊懣痛悶此虫在上蝕其五臟下

唇內生瘡者其人喜眠此虫在下蝕其下部人不能知可服

此蝕虫藥不爾蠶虫殺人○又曰凡患濕蠶者多是熱病後

或久瀉不止或有客熱結在腹中或易水土溫涼氣著多生

此病亦有乾蠶不甚瀉痢而下部瘡癢不問乾濕久則殺人

凡濕得冷則若痢單煮黃連及艾葉苦參之屬皆可用之若  
病人齒斷無色舌上白者或喜眠煩憤不知痛癢處或下痢  
急治下部不曉此者但攻其上不以下部爲意下部生虫虫  
蝕其肛肛爛見五臟便死燒艾於竹筒薰之

諸虫方

一傳屍勞瘵未甚者宜早用神授散 因二五五

一蠶虫內蝕下部生瘡宜雄黃兌散主之 因二五七

一大孔虫癢方 因二五八

一銀硃烟用治膚腠諸虫無不神妙 新因五三

諸蟲論列方

掃蟲煎

新和十四

獵蟲丸

新攻五

蕪荑散

和三一

追蟲丸

攻九七

化蟲散

攻九八

五君子煎

新熱六

百順丸

新攻六

苦棟湯

攻四七

樞子煎

和三一

甘草瀉心湯

寒二

溫臍丸

新熱二

蟾蜍丸

小一二

四味肥兒丸

小百

理中湯

熱一

理陰煎

新熱三

七味肥兒丸

小百十

溫胃飲 新熱五

歸脾湯 補三三

○ 九味蘆薈丸 小百十

○ 萬應丸 攻九九

○ 遇仙丹 攻五一

○ 木香枳榔丸 攻四九

論外備用方

聖效方 和三二二寸白虫

妙應丸 攻百殺虫

直指蕪荑散 和三百二十取虫

仲景烏梅丸 和三二二三胃寒吐蚘

# 諸毒

附蠱毒

論飲食諸毒

風俗通曰禽獸自死者俱有毒不可食○魚無腮者有毒腮大者亦有毒○蟹肚下有紅藻紋者有毒○蟹腹下有毛者有毒○煮酒初出火者有毒江南謂之火頭酒飲之則生痔溢血○夏月飲食但過宿者卽有毒○夏月酒在銅錫器中過夜卽有毒○銅器蓋熱食氣上蒸成汗滴下食中卽有毒○炊湯過宿飲之有毒盥洗則生疥○桃杏仁雙仁者毒能殺人○果未成核者俱有毒令人發瘡癩○夏秋果熟落地蟲緣者有毒人食之作漏○屋漏水有毒人食之有脹而死者用之泔手則生浸淫之疥屢驗○澤中死水有毒飲之令人

生痕○湯池中溫泉水不可飲令人脹悶惟澡浴可以疎風  
愈疥癩蓋其泉自硫黃中出故溫也患疥者宜飽食入浴之  
連日數次汗透而愈體虛者不可輕浴

解一切飲食諸毒

芝麻油總能解一切飲食諸毒不可不知凡造餠餌必先用真  
麻油於淨鍋熬熟却下肉炒過然後入清水煮之則壘不犯  
毒今徽州池州地方食牛肉不論春夏無日不食惟製之有  
方所以鮮有中毒但犯一切飲食毒者即用麻油一二杯飲  
之得吐卽毒釋而無不愈者

一解飲食中毒共十五方俱載古方因陣中自二百七起至二

二一止

一善解毒者無如火蓋火能革物之性

解一切藥毒

凡解諸藥毒者宜以薺苳汁白扁豆汁綠豆汁甘草汁飴糖汁  
米糖汁蠶退紙燒灰隨便用之俱可解

凡解毒藥湯劑不可熱服宜涼飲之蓋毒得熱而勢愈盛也雖  
然此特以熱毒爲言耳若解木鱉菌蕈黃連石膏之類以中

陰毒者豈仍避熱而猶堪以寒飲乎此有醫按在嘔吐門當

兼察之

一解毒藥共十四方俱載古方因陣中自二二起至二三五止

解諸毒通用簡易方

一方 雄黃青黛等分爲末新汲水調服

一方 揀淨土地掘窟用井水傾入攪澄清多飲則愈

一方 晉礬建茶等分爲末新汲水調服三錢吐卽效不吐再

服

一方 黃連甘草節二味水煎涼服不拘多少



一方 薺萇黑豆甘草咬咀每用一兩水二盞煎一盞溫服未  
效再服

一方 白扁豆生爲末水調服二三錢

一方 伏龍肝爲細末涼水調三四錢攪動服之吐者再一服

卽竈心土

解一切虫獸毒

凡虎傷犬傷蛇蝎蜈蚣水蛭之類皆是也共二十三方俱載古  
方因陣中自二三六起至二五八止

蠱毒

蠱之爲毒中土少見之世傳廣粵深山之人於端午日以毒蛇  
蜈蚣蝦蟆三物同器盛之任其互相吞食俟一物獨存者則  
以爲蠱又謂之挑生凡欲害人密置其蠱於飲食中人中其  
毒必心腹疴痛如有蟲嚙吐下皆如爛絮若不卽治食人五  
臟而死亦有十餘日而死者更有緩者待以歲月氣血羸憊  
食盡五臟而後死

一說兩廣山谷間有草曰胡蔓草又名斷腸草若人以急水吞  
之則急死以緩水吞之則緩死今見荆楚之地有曰鼠莽草  
者人食之則毒死意卽胡蔓草也

一說嶺南人取毒蛇殺之以草覆之以水洒之數日菌生取菌  
爲末酒調以毒人始亦無患再後飲酒則毒作而死其俗淫  
婦多自台北人日久情好又不肯逐人歸乃陰以毒投飲食  
中比人歸則戒之曰子去幾時還若從其言則復以藥解之  
若過期不往則死矣名曰定年蠱比人至彼宜預防之須備  
解毒丹之類隨身勿忘凡稍覺飲食之後四大不調宜卽服  
解藥若不預識其機備有藥餌恐一時倉卒不救所謂有備  
無患重生者不可忽也

驗蠱毒法

遯齋閑覽云海南魚有石首蓋魚枕也取其石爲器可盛飲食  
如遇蠱毒器必爆裂其效甚著閩人製作最精人但玩其色  
而鮮有識其用者

一驗蠱之法唾津在淨水中沉則是浮則非

又法口含大豆中蠱者豆卽脹而皮脫無蠱者豆不脹脫

又法煮雞蛋一枚去殼以銀簪一隻插入其中併含入口內一  
飲之頃取視簪卵俱黑卽爲中蠱

孫真人曰凡中蠱者嚼生黑豆不腥噉白礬而味反甘者皆中

蠱也

蠱證

直指云中蠱之候面目青黃力乏身痛唇口焦乾眉鬚脫落煩  
躁悶脅胸腹痞滿肚脹皮堅腹中切痛如虫嚙又如虫行唾  
吐鮮血小便淋瀝大便膿血病人所食之物皆變而爲虫侵  
蝕臟腑傷甚則死死則毒氣流注復染他人所謂蠱症

蠱脉

脉緊數如釵股弦直而吐甚者此中蠱毒也急治之○中蠱脉  
洪大者生微細者死

防蠱

凡入有蠱之鄉所用飲食但以犀角攪試有毒則白沫竦起無沫卽無毒也若自幼時食猪肉者則毒不能爲害

### 知禁忌

凡中蠱者但能記何物之中中毒須終身再不食此物犯之則毒作若用藥而愈自後飲食永不可喫冷喫冷則蠱毒復生竟不能救

### 反蠱及王法

衛生云凡入蠱鄉見人家門限屋梁絕無灰塵潔淨者其家必蓄蠱當用心防之如不得已喫其飲食卽潛於初下筋時收

藏一片在手儘喫不妨少頃却將手藏之物潛埋於人行十字路下則蠱神反於本家作鬧蠱主必反來懇求或食時讓主先動筯或明問主人云莫有蠱麼以筯築卓而後食如是則蠱皆不能爲害此皆驗於蠱鄉云

治蠱大法有二

胸膈痛脹則毒在上焦宜吐之○法以熱水半盞投入膽礬末五分通口服少頃以鷺翎探吐毒物出盡自愈或服升麻湯探而吐之亦妙

腹痛脹爲毒在下焦宜瀉之○法以鬱金末二錢米湯調下空

腹取瀉惡毒盡爲妙瀉後以四君子湯服二三劑調理慎忌

口

咒語破蠱法

大藏經云治蠱毒毋挑生毒有咒法凡人在外飲食先默誦咒七遍其毒自不爲害○咒曰姑蘇琢磨耶吾知蠱毒生四角父是穹窿穹母是舍耶女眷屬百千萬吾今悉知汝摩訶薩摩訶薩○凡見飲食上有蛛絲便莫喫○又法每遇所到處念藥王萬福七遍亦可避

灸蠱毒法



凡灸一切蠱毒於兩足小指盡處各灸三壯卽有物出酒中者  
隨酒出飲食中者隨飲食出屢驗

解一切中惡邪祟鬼毒

凡卒時中惡垂死者宜硃砂丸急服之方在攻陣百三

凡遭一切鬼祟鬼疰等毒者急與人毒赤丸攻之方在攻陣百

四

凡中惡心腹脹痛大便不通及飛尸鬼擊等急證惟外臺走馬

湯最捷最妙方在攻陣百十三

治蠱毒方

丹砂丸 因二百六十

萬病解毒丹 因二百

蜜髓煎 因二六

解毒散 因二四

三因解毒丸 因二百

雄射散 因二五九

七寶丸 因二六一

挑生蠱毒易簡方 因二六五

歸魂散 因二六三

麥麩散 因二六四